

神戸市外国語大学 学術情報リポジトリ

П о ч и н а е т с я в т о р а я ч а с т ь
к а т и х и с о в р е

メタデータ	言語: rus 出版者: 公開日: 2008-03-31 キーワード (Ja): キーワード (En): 作成者: 「シモン・ブドニ『教理問答』(1562年)の文献学的研究」研究班 メールアドレス: 所属:
URL	https://kobe-cufs.repo.nii.ac.jp/records/1232

This work is licensed under a Creative Commons Attribution-NonCommercial-ShareAlike 3.0 International License.



ПОЧИНАЕТСЯ ВТОРАЯ ЧАСТЬ КАТИХИСІ О ВЪРЕ.

ПЫТАНЬЕ.

Поведѣль есь напочатку сее розмовы, яко чотыри суть части науки Хртїанскои, и сказалъ есь яко перѣшая ча(ст) есть десятеро божїе приказанье, Другая, вызнанье вѣры, Третья, Молитва гдѣня, Четвертая часть, наука о таинѣхъ хвѣихъ. Иле ся дотычеть перѣвое части, уже вѣдаю яко ся кажное приказанье розумѣеть, и яко оны(х) богъ караеть которїи непослушнїи, яко тѣже милуеть послушнѣихъ, и
 106v иншиє таковыє речи паметую. Теперѣ про||шу тебѣ ро||толкуи ми вторую часть о вѣре, и о еє исповеданїю, или о вызнанью. Наболеи пакъ скажи ми што е(ст) вѣра?

О(Т)КАЗЪ.

Вѣра по Аплу есть надеемымъ вѣщемъ составъ, обличение невидимымъ. То есть хотяжь кто чого не видѣль а пре(д)ся такъ тому вѣру иметь, яко коли бы видѣль, тое вѣра словеть. Яко на взоръ, никто о(т) людей прито(м) не былъ коли свѣтъ створонъ, а пре(д)ся вѣруемъ, яко и богъ створилъ.

За(ч): тѣс

ПЫТАНЬЕ.

Колько е(ст) способовъ вѣры?

О(Т)КАЗЪ.

Двои е(ст) способъ вѣры. Перѣвыи есть коли которую рѣчь за правдивую кто маеть, хотяжь при ней не былъ.
 107 А таковую вѣру зовуть вѣрою||дѣанїа. Яко коли кто вѣрить, иже все што о Хѣ написали стїи Евангелисты, есть правда. Опять другїи способъ вѣры есть коли не только веруемъ ижъ Хс народилъся, умеръ и въскресь, але на(д) тое веруемъ яко для того оправданїи быти маемъ.

ПЫТАНЬЕ.

Што есть оправдание?

О(Т)КАЗЪ.

Есть къ правде или къ справе(д)ливости привер`ненье. Бо человекъ не остоялся въ онои правде, у которой былъ створонъ, понѣже на(д) божие розказанье змиовой рады послухалъ. Зачимъ до вѣчнои смерти былъ упалъ. Прото потребовалъ лѣкарства, яко бы опять ожилъ и къ справе(д)ливости прїити могъ. ||

ПЫТАНЬЕ.

107v

Которого жь лекарства потребовалъ?

О(Т)КАЗЪ.

Самъ человекъ на оныи часъ не розумѣлъ о чимъ бы могъ поправитися, але богъ ему тогды жь ознаимилъ, ижъ мѣло прїити таково семя, которое бы главу змиову потойтало и съкрушило. Тако бо къ змию богъ рече,
Бытя: г̄ Вражду посреди тебе, и посреди жены, и посрѣди семенемъ твоимъ, и посрѣди тобою, и тои тебѣ блюдетъ главу, ты же ему блюдеши пяту. Тую жь опять обет-
Бытя: к̄в ницу поновилъ богъ къ Аврааму, гдѣ тако рече. Благославятся о семени твоємъ вси народи земли. Тое пакъ
За(ч): с̄з семя по Апостолу Павлу есть и розумѣется Х̄с̄.

ПЫТАНЬЕ. ||

Всеи ли Х̄с̄ блгословение наготовалъ?

108

О(Т)КАЗЪ.

Правда есть ижъ богъ сына своего все(м) людемъ послалъ и за всѣхъ и предалъ, Бо и самъ спасъ рече; Тако б̄ възлюби миръ, якоже и сынъ свои единоро(д)ныи далъ есть. Гдѣ слышишь, ижъ миръ або свѣтъ възлюбилъ

богъ, и сына своего занъ выдалъ, можешь розумѣти ижъ не за одного ани за тисечь, але за всѣхъ учинилъ бгу досыть. Яко и Іоаннъ о немъ поведѣлъ. Се агнецъ божіи земляи грѣхы миру. Потомужь и Аплль рече, Се 108v есть добро и приатно пре(д) спасителемъ наши(м) богомъ, иже всѣмъ члѣвѣко(м) хочеть спастися и в разумъ истины пріити. Прото мовлю правда. ижъ всемъ Хс благословеніе наготовалъ, Да ве(д)же не || вси къ тому уготованному блгославенію пріидуть. Не с стороны бога, але для своеи вины, ижъ того блгословеніа не пріимают. То есть, не вѣрують, ани на Хво заслуженье уповають, и того для им заслугы его пожитку не дѣлають. Хочеть бо Хс, абы хотящій спастися в него вѣрили. Прото гдѣ рече, Тако бог възлюби миръ, или свѣтъ, иже сына своего далъ, приложилъ оные слова, Да всякъ вѣруяи вонъ не погыбнеть, но имать животъ вѣчныи, Видишь яко оному вѣры надобѣ, кто хочеть вѣчныи животъ мѣти. Потомужь Апломъ заповедаючи рече Хс, Ше(д)ша в миръ весь проповѣдите Евангелие всѣи твари, иже вѣру иметь и окрестится, спасенъ будетъ.

Іоан: За(ч): г
За(ч): спв

ПЫТАНЬЕ. ||

109 Досыт ли на тымъ(,) ижъ кто въ сер(д)ци вѣру мѣти будетъ?

О(Т)КАЗЪ.

Недосыть, бо потреба на сер(д)ци вѣру маючи и усты оную исповѣдати. Яко Апостоль рече, Аще исповѣси 109v усты своими гда Іса и вѣруеши въ сер(д)ци своемъ яко бъ того въздвиже о(т) мртвыхъ, спасешися. Сер(д)цемъ бо вѣруется въ правду, усты же исповѣдуется въ спасеніе.

За(ч): рг

ПЫТАНЬЕ.

Какъ маеть Хрѣтианинъ о бозе вѣру мѣти и оную исповедати?

О(Т)КАЗЪ.

Не иначе только потому яко намъ самъ богъ объявилъ у своемъ стѣмъ словѣ.

ПЫТАНЬЕ. ||

Што божїимъ словомъ называешь?

109v

О(Т)КАЗЪ.

Все оное штокольвѣ дхомъ стѣмъ писали Пророци, Евангелисты и Апостоли, што по греческии *Вивліа* зовуть.

ПЫТАНЬЕ.

Яко тое быти можетъ, понеже не вси писмени умеютъ, и память человѣча такъ много паметати не подоиметь?

О(Т)КАЗЪ.

Не на томъ залежить, абы вси на память умѣли, а наболей простые, все што Пророци и Ап(с)тли писали. Досыть абы простые умѣли вызнанье или сїмволъ вѣры. Бо и все стое писанье болшей у собѣ не замыкаетъ, только тые речи, которие коротко у вызнанью вѣры описано. ||

ПЫТАНЬЕ.

110

Кто написалъ сложеніе вѣры, или сїмволонъ?

О(Т)КАЗЪ.

Не одно есть сложеніе вѣры. Бо мало не на кажномъ съборе причиняно сложеніа для Еретикъ, которїи часто повставали, и новые науки сѣяли. На першое сложеніе есть которое по греческїи сїмволонъ *тои агїонъ апостолонъ* зовуть, сие есть, Гасло или сложеніе стѣхъ Апос-

толь. Тое спочатку mezi собою мѣли Хр̄тіане, ажъ потомъ насталь Арїи Еретикъ, которыи Ха̄ за истинного по естѣстве б̄га не исповѣдалъ. того для ст̄їи которїи на тои часъ были учителя събравшеся в̄ Никеискии горо(д), мусели некоторїе слова о(т) ст̄ого писанїа къ первому символу прїложити. О||пять же насталь Македонїи, которыи ст̄го д̄ха хулилъ и сътвореньемъ быти казалъ, прото и противу тому събралися Еп(с)пи в̄ Коїстантиногра(д), и приложили некоторїе слова къ символу Никеискому. Которое *символонъ* и теперъ у гречески(х) церква(х) говорятъ. Хотяжъ и потомъ писали и иныя сложенїа. Яко в̄ Халькедоне противу Ев̄тиха. И въ Ефесе противу Несторїю, и прочїимъ.

ПЫТАНЬЕ.

Говори сложенїе вѣры Апостольское.

О(Т)КАЗЪ.

Вѣрую в̄ бога о(т)ца вседержителя, творца нбу и земли. И въ Іса Христа сына его единого г(с)да нашего. Котории ся почаль д̄хомъ ст̄ымъ, Народилъся о(т) двы Марїи, Пострадалъ при(д)[→ при] Пон̄тѣистемъ Пилате, Роспят̄, || Умеръ и погребенъ, Зышолъ въ адъ, Третиого дня повсталъ изъ мртвы(х), Взишолъ на нбса, сидить по правици б̄га о(т)ца всѣдержителя. О(т)туль прїидеть судити живыхъ и мртвы(х). Бѣрую[→ Вѣрую] и въ д̄ха ст̄го, стую церковъ съборную, стыхъ общованье, грѣхо(м) оставленїе, тѣлу изъ мртвыхъ повстанїе и животъ вѣчныи, аминь.

ПЫТАНЬЕ.

Говори вызнанье вѣры събора Никеискаго.

О(Т)КАЗЪ.

Тое жь есть вызнанье вѣры събора Никеиского, которое Коѵстаѵтиногра(д)ского, только иже приложили на съборе Коѵстаѵтиногра(д)ско(м) о стѣмъ душе противу Макидонію Еретику. И тако написали.

Вѣрую въ единого бога о(т)ца вседержите||ля, творца 111v
небу и земли, видимымъ же всѣмъ и невидимымъ. И въ единого гда Іс Ха, сына божіа единоро(д)наго, иже о(т) оца роженаго прежде всѣ(х) вѣкъ, свѣтъ о(т) свѣта бга истинна о(т) бга истинна, роженна а не сътворейна, единосуцна оцю, имже вся быша, Насъ ради члкъ, и спасеніа нашего ради съше(д)шаго съ небсъ, и въплотившагося о(т) дха ста и Марія двы въчлчшася, распята же за ны при Понътеистемъ Пилате, и страдаше, и погребена, и въскр(с)ша въ третїи днь по писанїихъ, и въше(д)ша на нбса и сядяща о десную оца, и пакы грядущаго съ славою судити живымъ и мртвымъ егоже цр(с)твїю нѣ(ст) коѵца. И въ дха стго истиннаго и животворящаго, иже о(т) о(т)ца исходящаго, иже съ о(т)цмъ и сыномъ спокланяема и славима, гла||шаго пророкы. И едину, стую, съборную 112
и ап(с)льскую церковъ, Исповѣдую едино крещенїе въ оставленїе грѣхомъ, Чаю въскресенїа мртвымъ, и жизнь будущаго вѣка, аминь.

ПЫТАНЬЕ.

Чого для сее *символонъ* не згожается. съ символомъ Апостольскимъ?

О(Т)КАЗЪ.

Уже есмъ повѣдѣлъ причину для которое приложено некоторые слова, не противные, але которые бы значней о троици стои науку замыкали. А къ тому причину Еретики онымъ старимъ Хртїаномъ дали. Прото несъгласїе або негода только есть у словѣхъ але не въ розуме, Яко на

112v прикладъ можемъ взяти перъвыи сти(х) симъвола. Тои || у
Аплъско(м) зложеню тако былъ написанъ, Вѣрюю въ
единого бга о(т)ца вседержителя, творца небу и земли.
Селько исперва признанья было о первомъ стое троици
лицу. На которо(м) они древнїи Хртїане доволни были,
нижли потомъ Манентъ Еретиѣ двѣ начале всѣмъ речамъ
быти наоучалъ, се е(ст) бга и бѣса. Видимымъ рѣчамъ
творца бѣса быти баснословилъ, а не видимымъ бга. Сего
для стїи Еп(с)пи которїи того часу были, приложили сия
слова, Видимымъ же всѣмъ и невидимымъ. Потомужь и о
другомъ прѣстое Троици лицу первїи Хртїане по Апо-
стольскому зложенію тако исповѣдъ чинили, И въ Ісѣ Ха
сына его единого гда нашего, На симъ исповѣданію вси
113 доволни были, нежели змїи онъ хитрыи о(т) презвити||ровъ
Алеѣандрски(х) побудилъ нѣкоего Арїа, которїи
о спасе училъ, яко не по естествоу, але по блг(д)ти сынъ
божїи естъ яко и мы. То естъ, не творецъ але створенье.
Того для стїи о(т)ци приложили оныя слова, единоро(д)-
наго, иже о(т) оца роженаго преже всѣхъ вѣкъ, свѣтъ
о(т) свѣта, бга истинна о(т) бга истинна, роженна а не
сътворенна, единосущна о(т)цю, имже вся быша. А тая
е(ст) причина тому, ижь у словѣхъ не съгла(с)ныя суть
зложенїа вѣры.

Чти Епифанїя
о ересѣхъ

ПЫТАНЬЕ.

Скажи ми тое, годило ли ся онымъ стымъ Еп(с)помъ при-
кладати къ науцѣ стыхъ Аплъ?

О(Т)КАЗЪ.

113v Не рекучи Еп(с)помъ, але ани самымъ Ап(с)ломъ, ни
ангеломъ годится прикладати къ божїе||му слову. Яко
Аплъ рече. Аще мы или аггль с̄ нбси блговѣстити вамъ
паче еже блговѣстихомъ вамъ, анаѣма да будетъ. Если
бы они Еп(с)пи собою што приложили чого бы у стомъ

Зач: рѣе

писанію не было, тогда бы не годило ся оногo и(х) приложеня прїимати, але ижъ не о(т) своего розуму прикладали, но о(т) ст҃го писанїа, маеть быти принято. Бо не есть и(х) слово, але божїе.

ПЫТАНЬЕ.

Первѣи нижъ къ достаточному того зложеня разбѣранью приступѣмо, скажи ми чо҃го для зложенїе вѣры *символоѣ* нарицается, што е(ст) за слово?

О(Т)КАЗЪ.

Символоѣ грѣческое есть слово, Лечь на нашъ языкъ не может ся одноѣмъ словомъ ||преложити. Бо рѣки иногда сее слово *символоѣ* в мѣсто того пишють што мы гасломъ зовимъ. Иногда *символоѣ* розумѣется, яко у насъ упоминокъ, иногда зложенїе. 114

ПЫТАНЬЕ.

Для чо҃го жъ Хртїане гасломъ вызнанье свое вѣры навывають?

О(Т)КАЗЪ.

Для того, ижъ яко на воинѣ по гасле ся знаютъ, тако здѣ межи Еретикиѣ, межи Жидовъ, и иныхъ неверныхъ, потреба такового гасла, по нѣмже бы ся Хртїане знали. Мають бо и Еретики тои обычаи называтися Хртїанми, але поневажъ того гасла не вѣдають, не тр(д)но оныхъ познати. Потому же и жиды Хвалятся богомъ Единымъ, и повѣдають яко вонъ вѣрують, але и(х) по || гасле латвѣ познати, къ которому воиску прислушають. 114v

ПЫТАНЬЕ.

На колько частей делится гасло или вызнанье вѣры Хртїанское?

О(Т)КАЗЪ.

На чотыри части некоторои делять. Перваа часть, у которой бога о(т)ца исповѣдуемы. Другаа, у которой сына божіею. Третья, у которой дѣа стго. Четвертаа пакъ, у которой стую церковъ и дари, которіе ее богъ далъ вынаваемъ. Иишии на три части делять, Бо исповѣданье престое Троицы О(т)ца и сына и стго дѣа за одну часть личять. Потомъ исповѣданье церкви за другую. А дари которіе у церкви сѹт за третію. Оба роздѣлы добри ||
115 сѹть.

ПЫТАНЬЕ.

Говори первшую часть гасла хртіаньского.

О(Т)КАЗЪ.

Вѣрую въ единого бга о(т)ца вседержителя, творца небу и земли.

ПЫТАНЬЕ.

Чого для говоришь, Вѣрую въ единого бога, а не просто, Вѣрую единого бога?

О(Т)КАЗЪ.

Далеко иишаа рѣчь естъ, Вѣровати бога, а опять, Вѣровати в бга, И вѣровати богу. Вѣровати бга, естъ вѣровати яко б̄ естъ. А таковую вѣрю и бѣси мають яко Іаковъ пишеть. Бо вѣрують иже богъ е(ст). Але За(ч): нд
115v Вѣро||вати богу, естъ вѣровати ижъ богъ все што обѣцалъ исполнить. Розумѣи же вси тые три способы вѣры быти добріе, да ве(д)же тотъ который естъ у зложеню вѣры лейшеишыи, Бо и у стомъ писанью тако Богъ приказуеть, абы есмы в него вѣровали. Яко гдѣ Хс рече, Да не сѣмущается ср(д)це ваше, вѣруете въ бга, и въ мя вѣруите. Не рече, вѣруете быти бга, але въ бога.

ПЫТАНЬЕ.

Чого для бога о(т)омъ называешь?

О(Т)КАЗЪ.

Того для ижъ маеть сына г(с)да нашего Іс̄ Х̄а. А к тому понѣже Іс̄ Х̄с̄ есть ро(д)ныи сынъ божьи, а мы съ христом̄ едина плоть або тѣло, ино и нам̄ е(ст) богъ отецъ.

ПЫТАНЬЕ. ||

Для чого и зовешь всѣдержителемъ?

116

О(Т)КАЗЪ.

Иже вси речи у своей силе дерѣжить, а промышленемъ своемъ весь свѣтъ справуетъ, и всякому створенью яко хочеть розказуетъ.

ПЫТАНЬЕ.

Для чого прикладываешь творца неву и земли?

О(Т)КАЗЪ.

Абы есмо з незбожными людьми не розумѣли, которїи не вѣрують абы богъ свѣтъ створилъ, але за тое мають, абы тако о(т) вѣка сам̄ собою учинилъся.

ПЫТАНЬЕ.

Чого для нбо а землю только припоминаеть, а богъ не только небо и землю створилъ, но и иные вси речи?

О(Т)КАЗЪ. ||

Правда ижъ не только небо и землю б̄ створилъ, але понѣважъ вси речи або суть на земли, або на небеси, того для досыть на припоминанью и(х). Да ве(д)же к тому у зложенью Никеиском̄ приложено, Видимым̄ же всѣм̄ и невидимым̄. Которими словы вси речи створенные замыкаются.

116v

ПЫТАНЬЕ.

Яко о бозѣ розумѣешь, на оныи ли ча(с) только доброту свою и силу показалъ, коли свѣтъ створилъ, Чи ли и тепѣрѣ показуеть?

О(Т)КАЗЪ.

Не потому богъ свѣтъ створилъ яко доилид хоромину поставивши не дбаеть оней або и отоидеть о(т) нее, але створивши б̄ъ свѣтъ заховуеть его и промышленіемъ своимъ
117 водить. Яко самъ спаситѣль рече, Отець || мой досѣлѣ дѣлаеть, и азъ дѣлаю. Тои же свѣ(д)чить яко безъ воли о(т)ца нбснаго и едина п̄тица не падеть на землю. А на иномъ мѣсте извѣстно кажетъ, яко тои же отецъ питаеть и(х). Тое жь вездѣ у у стомъ писанію дхъ стѣи ознамуеть, а наболеи Давыдомъ вѣ псалтыры. Гдѣ тако пишеть, Очи всехъ на тя уповають Гди, и ты даеши имъ пищу въ благо время. О(т)вѣрзаеши ты руку твою, и насыщаеши всяко животно блговоленія. А на иномъ мѣсте рече, Воспоите гдѣви въ исповѣданіи, поите богови нашему въ гуслѣхъ. Одѣвающему небо облаки, Уготовающему земли дождь. Прозябающему на гора(х) сѣно, и траву на службу человѣкомъ. Дающему скотомъ пищу и(х), и
117в птѣнце(м) врановымъ призывающимъ || его. Сия слова того на(с) учять, ижъ б̄ъ мл(с)тивыи не только вси речи створилъ, але створивши промышленіемъ своимъ заховуеть, воронить, выховуеть, и всего чого потреба достаточне додаваеть. Тои самъ е(ст) виною всѣхъ речей, которіе ся на свѣте дѣють. Тои бо даеть дождь, сушу, ведро и непогоду, урожайи и голодъ, здоровье и хворобы. Безъ воли его нечто ся не дѣеть. Естли бы тои не держалъ а премудростію своею не водилъ, не можно бы небу и земли и всеи твари стояти. Того для его пристоине Вседержителемъ или всемогущемъ стаа црковъ нарицаеть.

Матѣѣ: За(ч): л̄з

Того жь: За(ч): ч̄

псало(м): р̄

псало(м): р̄м[г]

псало(м): р̄мс

ПЫТАНЬЕ.

Повѣдѣлъ есь яко богъ всеми обладаеть, ино и бѣси и нечѣивіи члвѣци по воли божіеи || чинять?

118

О(Т)КАЗЪ.

Хотяжь бѣси и нечѣивіи люди Божіимъ дѣхомъ не вѣдуться, да ве(д)же пре(д)ся и(х) вѣ руцѣ своеи яко на уздѣ дерѣжить, ижь далеи поступити не могутъ, хыба яко имъ бѣгъ попуститъ. Къ тому еще чинитъ сѣ ни(х) слугами воли своее, ижь мусятъ ю выполнѣти хотя бы не рады. Яко вчинили сына божіа на кр(с)тъ пригвоздивѣши.

ПЫТАНЬЕ.

Што того за пожитокъ вѣдати ижь богъ владаеть злыми людьми и Сатаною?

О(Т)КАЗЪ.

Великъ с того познанья силы божіеи над Сатаною и злыми людми е(ст) пожитокъ и великое утешенье. Бо если бы и(х) богъ не нуздаль, чинили бы вѣрнымъ што бы хотѣли. || Зачимъ бы свѣсть кажного успокоена быти не могла. Але теперъ понѣважь безъ божіею допущенья ни бѣси ни злые люди зашкодити не могутъ, а кто ся и(х) боить? Яко на(с) самъ гдѣ сими словы упѣвняючи, къ смѣлости напоминаеть, И власи главы вашей вси изъчтени сут, не боитесь.

118v

Лук: За(ч): ѡг.

ПЫТАНЬЕ.

Говори другую часть гасла хртїанского.

О(Т)КАЗЪ.

Другаа часть гасла е(ст) вѣ нѣже исповѣдуемъ сына божіею гдѣ нашего сими словы, И въ единого гдѣ Іс Хв, сына божіа единоро(д)ного, иже о(т) оца роженного преже

всѣхъ вѣкъ, свѣтъ о(т) свѣта, бога истинна о(т) бого истинна, роженна а нестворенна, единосуцна оцю имже вся быша. Се есть || исповѣданье вѣры о бж(с)твѣ сына божіа, а которіе пото(м) слова будутъ, о вѣчлвѣчествѣ его розумеются, на тотъ обычаи, На(с) ради человѣк и нашего спасеніа ради съше(д)шаго съ небесъ, и вѣплотившагося о(т) дха ста, и Маріа двы вѣчлвѣчшася, распята же за ны при Понтеистѣвѣ Пилате, и страдаше и погребена, и вѣк(с)рша въ третій днь по писаніихъ, и вѣше(д)ша на небеса, и седяша о десную о(т)ца, и паки грядущаго съ славою судити живы(м) и мртвымъ, егоже пр(с)ствію нѣсть конца. Сиа есть втораа часть. 119

ПЫТАНЬЕ.

Чого насъ учить сая часть?

О(Т)КАЗЪ.

119v Наперѣеи намъ выписуетъ сына божіею иже || е(ст) единъ з богомъ о(т)цомъ, Потомъ иже есть спасителемъ нашемъ.

ПЫТАНЬЕ.

Чого для зовешъ Ісусомъ сына божіею?

О(Т)КАЗЪ.

Ижъ ему тое имя за повеленіемъ божіемъ далъ аггль, Мат: За(ч): в.
нежели ся почаль в животе прч(с)тое двы. Лук: За(ч): г.

ПЫТАНЬЕ.

Яко ся тое имя розумѣеть, а какое есть слово Іс?

О(Т)КАЗЪ.

Ἰς̄ есть слово еврейского языка, розумеется на нашъ языкъ Спасъ, или спаситѣль. Слушнѣ убо сее имя сыну божіему дано. Бо хотяжь и перѣеи были, котори(х) Ἰсусами звано, яко сына Навиносва, и оногo ерея о которо(м) вѣ Захарїи, тѣжь и Сирахови||ча, Лечь тїи никого спасти не могли. Тои единыи, сын божїи сыи, извѣстнo люди своя спасаеть о(т) грѣховъ ихъ. 120

ПЫТАНЬЕ.

Опять и тое ми скажи, чого для сынъ божїи нарече ся Хс̄?

О(Т)КАЗЪ.

Христосъ слово Грѣчское, выкладается на словенскїи языкъ помазанїи. Былъ бо обычаи подъ закономъ Моисѣвымъ, оныхъ помазовати елеомъ или масломъ, се есть, оливою, которихъ на цр(с)тво, або на іереїство брано. И таковыхъ цареи и іереи хрїстами или помазаньцами звано. Прото и сынъ божїи, понѣважь принявши тѣло зостаѣ видимый и жрецъ, або іереи, и царь, слушне е(ст) названъ Хс̄, то есть по||мазанїи царь и іереи. 120v

ПЫТАНЬЕ.

Какимъ масломъ или оливою помазанъ е(ст) гдѣ?

О(Т)КАЗЪ

Масло которомъ ся помазывали Цари и Жерци вѣ законе Моисеовымъ, было видимое о(т) дерева, але сынъ божїи не таковымъ масло(м) помазанъ. Яко бо не земнїи царь е(ст) Хс̄, тако и помазанїе не было о(т) видимого масла, но о(т) стго дха. О которомъ Ісаїа тако прорече, Исаїа: ѡд. Духъ гнѣ на мнѣ, егоже ради помаза мя, блговѣстити нищимъ посла мя, и прочаа. О томъ же Давыдъ рече(,) Лук: гї. Возлюбилъ еси правду, и възненавидѣлъ еси безаконїе, 121

сего ради помаза тя боже б̄гъ твои елеомъ радости пачеи прича(ст)никъ твои(х). Которие слова яко бы толкуеть Кр(с)титѣль гдѣ о Х̄е къ ученикомъ своимъ || рече, егоже посла богъ глы божіа глеть, Не у мѣру бо богъ даетъ д̄ха. Отець бо любить сына, и вся дастъ в̄ рѹку его.

ПЫТАНЬЕ.

Каково есть сына божиего цр(с)то?

О(Т)КАЗЪ.

Ижъ не есть свѣтское, сам Х̄с свѣдчить, гдѣ къ Пилату тако рече, Царство мое нѣсть о(т) мира сего. Прото мусить быти духовное. Духомъ бо стымъ справуется и божіимъ словомъ. А сие двѣ речи кажному оправданіе и животъ вѣчныи чинять.

ПЫТАНЬЕ.

Опять о Х̄вомъ Ереистве што розумѣешь?

О(Т)КАЗЪ.

121v Ерее или жеръци для грѣхъ речеи в̄ законе были. Наперѣеи абы жертвы приносили. || Потомъ абы ся о всѣхъ богу молили. А третяя рѣчь, абы людии закону научали. Тое все Х̄с досттаточне выполнилъ. То есть, училъ, молился, и наконецъ самого себѣ жертву на кресте принесъ. О чимъ Аплѣ къ Евреомъ широко пишетъ.

ПЫТАНЬЕ.

Чи только на онъ часъ Х̄с былъ Ереемъ коли ся на кр(с)те богу за наши грѣхи принѣсь?

О(Т)КАЗЪ.

Яко его царство есть вѣчное, потомужъ и ереиству конца не будетъ, Понѣважъ обѣ речи не телесные але духовные суть. О вѣчномъ его царствѣ тако написаѣ

Ψало(м): рѣд. Давыдъ, Царство твое цр(с)тво всѣхъ вѣкѣ, и владыч(с)тво твое въ всякомъ родѣ и родѣ. Потомужъ Ісаіа, На престолѣ Д(д)вѣ и на || цр(с)твѣ его сядеть направи 122

Лук: За(ч): ꙗ. и по(д)яти судомъ и правдою о(т)нынѣ и до вѣка. О томъ же Анггль къ бгородицы, о(т) Ісаі на пророчества принявши, рече, И дасть ему гдѣ богъ пр(с)тль Давыда о(т)ца его, и въцрѣтся в домѣ Іаковли въ вѣкѣ, и цр(с)твѣю его не будетъ коѣца. Потомужъ о ереиствѣ Хвѣ стое писаніе вездѣ свѣдчить, яко вѣчно пребудеть.

Ψало(м): рѣ. Давыдъ бо дхомъ стѣимъ глѣтъ, Клятсѣ гдѣ и не раскается. Ты еси ереи въ вѣкѣ по чину Мелхиседикову.

ПЫТАНЬЕ.

Которимъ обычаемъ Хс ереи есть въ вѣкѣ?

О(Т)КАЗЪ.

Повѣдѣлъ есмъ ижъ три уряды мѣли ерее, которые не истинни ерее были, але только образъ ереиства Хва насобѣ носи||ли. То пакъ Хс тые уряды тепѣрѣ выполняеть, 122в

а прото вѣчныи есть ереи. Не для того бо на небеса възшолъ и о десницы богу сѣлъ, абы тамо прожновалъ, але для того, абы насъ пре(д) богомъ припоминалъ. Яко

За(ч): тѣі. Апль къ Евреомъ пишетъ, Непреступно имать сщнство Хс, Тѣмже и спасти можетъ до коѣца приходящи(х) его ради къ богу, всегда живъ сыи проповѣдати о нихъ. Которими словы дасть намъ Апль знати, ижъ ся Хс не только здѣ будучи молилъ о грѣшныхъ, але и тепѣрѣ есть ходотаемъ нашимъ къ богу. А тотъ есть первыи урядъ Ерея или сщника. Други урядъ есть приносити жертву за грѣхи люди, абы имъ о(т)пущены. И во(д)летое повинности Хс есть ереи або архіереи. || Бо хотяжъ 123

единою самъ себѣ принесъ, але сила оное жертвы пребы-
 вааетъ даже до вѣка. Бо кто въ х̄а увѣруеть, того жъ часу
 причастникомъ оное жертвы его бываетъ. То есть, ос-
 тавленіе грѣхомъ для Х̄вои страсти и см̄рти пріимуетъ.
 О томъ Ап̄лъ тако пишетъ, Х̄с̄ единою о грѣсе̄хъ при-
 несе жертву, и сѣде о десную б̄га въ вѣки, прочаягожды
 дождеже положатся врази его по(д)ножію ногама его.
 Единымъ бо приношеніемъ съверши въ вѣки о свещаемы
 Хъ. Третий тѣже с̄щ̄нический урядъ и тѣперь испол-
 няетъ Х̄с̄, се есть научаетъ на(с) воли закона божіа. Бо
 хотяжь самъ взышолъ на небо а здѣ тѣломъ с̄ нами не
 есть, але о(т) него маемъ Ап̄лы и вякие учителя. Яко
 123v Ап̄лъ къ Ефесіемъ пишетъ. единому || же рече каждому
 з на(с) дастся благодать по мѣре дара Х̄ва. Тѣмже
 глеть, Въшелъ еси на высоту, и пленилъ еси плѣнъ, и
 далъ еси дааніа члв̄ко(м). А мало нижеи вычитаетъ
 такова дааніа, сими словы пишючи, Въше(д) превыше
 всѣхъ небесъ да исполнить всяческая. И тои дастъ, овы
 убо Ап̄лы, овы же пророки, овы же бл̄говѣстники, овы
 же пастырие и учителяе, къ съвершенію ст̄ымъ в̄ дѣло
 служеніа, въ с̄зданіе тѣла Х̄ва уже надеюся розумѣешь
 яковъ царь и с̄щ̄никъ е(ст) Х̄с̄, а не только тое, але тѣже
 с̄ тыхъ словъ могъ есъ вырозумѣти, какие намъ пожитки
 изъ его цр(с)тва и с̄щ̄нства растутъ и приходятъ.

За(ч): т̄г̄.

ПЫТАНЬЕ

124 Уже тое все за ласкою милосер(д)ного бо||га добре розу-
 мѣю. Але ми скажи и ро̄столюки, для чого у том̄то
 гаслѣ Хрт̄іанско(м) Х̄а называемъ единоро(д)нымъ сыномъ
 божіимъ, а к тому единосущнымъ богу о(т)цю? Да вет-
 же и намъ тую честь богъ подаровалъ, абы есмо сынми
 божими быти могли, и самъ Х̄с̄ научилъ на(с) бога о(т)цомъ
 нашимъ звати. Іоаннъ теже тако написалъ, елико пріятъ
 его, дастъ имъ область чадомъ божіимъ быти.

О(Т)КАЗЪ

Ижъ насъ богъ сынми або чяды свои зовѣтъ, не для того тое чинить, абы мы по естеству сынове божіи были, але иже насъ для сына своего тымъ правомъ подаровалъ, яко Аплѣ къ Галатомъ толкуеть гдѣ рече, Егда прїидеть коѣчина лѣту, посла богъ || сына своего рожающа о(т) жены, бывающа по(д) закономъ, да по(д)законныя искупить, да въсынєніє прїимемъ. Бо явнѣ мовить иже того для богъ сына своего послалъ, абы насъ о(т) закону выкупилъ, а еще абы есмо уснєніє прїняли для гда нашего Іс Х̄а. Яко тамъ же самъ Аплѣ докладаеть сими словы, Якоже есте сынове, посла богъ дх̄ сына своего въ ср(д)ца наша вопиа *авва* отецъ. Тѣмъ же не си рабъ, но сынъ, Аще ли же сынъ, ино и наслеѣдъникъ [→ наслеѣдъникъ] божіи Іс Хрїстомъ. Здѣ яснє видишь о(т)куле тую честь имаемъ, же есмо сынове и насле(д)ници божіи, придалъ бо на коѣцы, яко того дошли есмо Іс Х̄мъ. Прото слушне тои самъ естъ названъ единоро(д)ны сынъ божии, по||нѣже тои по естѣстве е(ст) сынъ, мы пакъ его бл҃годати ею есмо сыновѣ. А иже е(ст) едино съ о(т)цомъ, того для единосущныи о(т)цю наречонъ е(ст). Бо если бы о(т) иного существа былъ сынъ божии, вже бы не бо҃ ани творецъ былъ, але человекъ а простаа тварь⟨.⟩ Бо самъ бо҃ часто о собѣ кажетъ, яко окроме его самого иного бога нѣтъ. Яко въ Ісаиномъ пророчествѣ рече, Азъ есмъ, Пре(д) мною нѣсть инъ б̄ъ, и по мнѣ не будетъ. Азъ Богъ, и не будетъ развѣ мене спасаая. Прото и Хс̄ не е(ст) иныи, але тотъ же съ о(т)цомъ и съ стымъ дх̄омъ, и того для единосущна о(т)цю его исповѣдуемъ. Яко самъ къ Филїппу рече, Не веруеши ли яко азъ въ о(т)ци и оцѣ въ мнѣ естъ? Гл҃ы яже азъ гл҃ю вамъ, о(т) себѣ не гл҃ю, Отецъ же въ мнѣ пребывая || тои творить дѣла. Веруйте мнѣ, яко азъ въ о(т)ци и отецъ въ мнѣ. Пилно

За(ч): сѣ.

124v

125

Ісаї: мѣ.

Іоан: За(ч): мѣ.

125v паметуи сїе слова, абы есь о(т) правды не заблудилъ.

ПЫТАНЬЕ.

Для чого приложено, Имже вся быша?

О(Т)КАЗЪ.

Бо тако все сѣое писание о сыне божїимъ свѣдѣтельствуеъ, яко имъ вси речи сѣтворены суть. Яко наперѣвей Моисеи, выписуючи сѣтворенїе свѣта, кажетъ ижъ бѣ хотячи свѣтло сѣтворити рече, Да будетъ свѣтъ. Пото(м) хотечи твѣрдъ учинити, рече, Да будетъ твердъ. Потомуже и о вси(х) речахъ свѣдѣчитъ, яко словомъ божїимъ сѣтворены суть. Яко и Давыдъ пишеть, Сло-
весемъ гдѣнимъ небеса утвердишеся. Тое пакъ слово естъ
126 сынъ божїи. || Яко Іоаннъ рече, В начале бѣ слово и слово бѣ у бга, и богъ бѣ слово. Сее бѣ искони в бозѣ. Всѣ тѣмъ быша, и безъ него ничтоже бысть еже бысть. Двѣ речи здѣ обачь, наперѣвей естли бы у Моисѣя не розумѣлъ оного слова, Рече богъ, або у Давыда оного, словесемъ гдѣнемъ небеса утвердишеся, ино Іоаннъ толкуеть, яко слово оное естъ богъ. А другая рѣчь, иже тѣмъ словомъ вся быша. А тая естъ причина для которе тые слова до гасла хрїтїаньского приложены суть, абы вси розумѣли сына божїа творца, а не тварь, яко и бога о(т)ца быти.

Бытя: а.

Ψало(м): лѣ.

Іоан: Гла: а.

ПЫТАНЬЕ.

126v Скажи жь ми для чого такъ висока особа самъ сынъ божїи принялъ челоуѣчество || наше, и сталъся члѣвѣкомъ?

О(Т)КАЗЪ.

Доложено того узложенью, иже на(с) ради, и нашего спасенїа дѣля.

ПЫТАНЬЕ.

Чи не можно б̄гу было челоуѣка инако спасти?

О(Т)КАЗЪ.

Правда иже не такового былъ богъ челоуѣка сперва створилъ, бо пишеть духъ ст̄иы черезъ Моисея, яко б̄г челоуѣка, по образу и по подобію своему былъ створилъ и мужа и жену. То есть, ст̄го, непороч̄ного, правдивого, и без̄смерт̄ного. Бо ся тако розумѣеть образъ божіи, Нежели челоуѣк̄ у томъ образѣ не пребылъ. Бо даное заповѣди не устерогъ. Прото сынъ божіи хотячи опять образъ б̄жіи, то есть, правду || и безсмерт̄ность [ч]елоуѣку привернути, рачилъ стати челоуѣкомъ, абы въ особѣ чл̄вѣка б̄гу за онъ грѣхъ досить учинилъ, которыи былъ Адамъ пополнилъ. Бо ижъ м̄л̄ быти ходотай межи б̄га и чл̄вѣка, потреба было, абы былъ и богъ и чл̄вѣкъ. 127

ПЫТАНЬЕ.

Для чого жь опять инымъ ся обычаемъ у животѣ дѣвочомъ зачалъ? Чого для не потому яко вси люди зачинаются, понеже истинныи чл̄вѣкъ м̄л̄ быти? Бо гасло рече, яко о(т) д̄ха ст̄а въплотилъся.

О(Т)КАЗЪ.

Естли бы ся Хс̄ потомужъ яко и мы зачалъ а не о(т) ст̄го д̄ха, ино бы намъ къ очистенію пособити не могъ. Бо и самъ не былъ бы о(т) грѣха свободенъ. Яко самъ къ Никодиму || рече, Роженое о(т) плоти п[ло]ть есть. 127v
Прото безъ мужа зачалъся справою ст̄го д̄ха въ чревѣ преч(с)тыя дѣвы, абы былъ достойнымъ ходотаемъ и ереемъ, яко Апл̄ къ Евреомъ рече, Таковъ намъ подобаше пер̄восщ̄никъ, преподобенъ, незлобивъ, бескверненъ, и о(т)лученъ о(т) грѣшникъ, и выше небесъ бывъ, иже
Иоан: За(ч): ѿ.
За(ч): м̄н̄.

не имать по вся дни потребы, яко первосѣдѣнниці, преже о свои(х) грѣсѣхъ жерътву приносити, потомъ же и о лю(д)скихъ.

ПЫТАНЬЕ.

Чого для зложенъе припоминаеть въплощеніе сына божіею, и яко ся въчеловѣчилъ о(т) стое дѣвицы, и пото(м) минувши житие его на земли, распятіе только въспоминаеть?

О(Т)КАЗЪ.

128

Зложеніе вѣры оныя только речи выпису||еть, на которы(х) оправданіе и грѣхо(м) оставленіе належить. Прото жития здѣ на земли не росписуеть, але распятіе только его и въскрѣсеніе. Бо на томъ виситъ спасеніе наше, си речъ оставленіе грѣхомъ и оправданіе. Яко Аплль рече, Хс̄ предастся за прегрѣшеніа наша, и вѣста за оправданіе наше. Потомуже и пророкъ о нѣмъ рече, Тои уязвенъ бысть грѣхомъ ради наши(х), и поболѣ за безаконіа наша, Наказаніе смиреніа нашего на нѣмъ, язвою же его мы исцѣлихомъ вси. Явне проповѣдуеть иже язвы или раны Х̄вы на(с) злѣчили. А тая е(ст) причина для которея рожество а распятіе и въскрѣсеніе гасло или символонъ въспоминаеть. Бо тые речи спасеніа нашего суть виною.

За(ч): пѣ.

Исаї: нѣ.

ПЫТАНЬЕ. ||

128v

Для чого припоминаеть Понтеиского Пилата?

О(Т)КАЗЪ.

Для того абы есмо вѣдали иже смѣрть сына божіа не тако згола на него пришла, але с присуженъя уряду. Бо той Пилатъ былъ на онъ часъ игемономъ, то есть старостою, Іер(с)лимскимъ.

ПЫТАНЬЕ.

Росповѣжь ми тоє явнѣи?

О(Т)КАЗЪ.

Если бы не з выроку суди умерь нашъ г(с)дь, не такъ бы ся яснє невинность его показала.

ПЫТАНЬЕ.

Да ве(д)же Пилатъ посвѣдчилъ ему, яко ни единое вины в нѣмъ не знашолъ?

О(Т)КАЗЪ.

Все тоє за промышленьемъ божіемъ было, || иже сына божіа Пилатъ самъ же невинного быти казалъ, самъ же и яко злодѣя на смѣрть осудилъ. Абы тѣмъ обычаемъ всимъ явно было, иже не за свои злости, але яко на ручникъ за чужіє тѣрпѣль. 129

ПЫТАНЬЕ.

Для чого собѣ гѣ смѣрть распятую обралъ?

О(Т)КАЗЪ.

Для того иже таковую смѣрть самъ богъ проклялъ. Яко
Втор(о)зако. ка. написано в законѣ, Проклятъ всякъ висяи на древе.
Годилося бо г(с)ду принять на себе на ча(с) клятву, абы
За(ч): сс. мы о(т) нее ослобожени были. Тако Аплѣ припоминаеть.

ПЫТАНЬЕ.

Чого для узложенью Никеискимъ не припоминаеть абы Хс омерь, только припоминаеть яко распятъ, пострада- 129v
далъ и погребень?

О(Т)КАЗЪ.

Гасло маеть быти короткими словы, але которіе бы достаточную науку оныхъ речеи на которі(х) каждаго спсєніе належить, замыкали. Гасло Никеиское хотяжь словомъ не говорить абы Хс умерь, але речъ самую значне ознамуеть, гдѣ въспоминаеть распятіе и страданіе, а наболеи погребєнье. Не гребуть бо никого, ани до гробу кладуть, естли бы первеи не умерь.

ПЫТАНЬЕ.

Которіе намъ пожитки с того, ижь сынъ божіи былъ умерь.

О(Т)КАЗЪ.

Первыи пожитокъ о(т)туле маемъ, ижь знаемъ яко
130 смрть гня естъ истинною жерт||вою за наше грѣхи, ко-
торою гдѣ гнѣвъ божіи упокоилъ, и насъ въ ласку божію
привѣлъ. Другыи пожитокъ, ижь смрть гня вси грѣхи
наши вытерла зъ божіеи памѣти, абы черезъ тое пре(д)
лицѣ божіе явитися не могли. Бо вже оное рукописаніе
нашее кровию своею выписалъ. Яко Аплъ рече, И васъ За(ч): снє.
мртвы(х) суца въ прегрѣшеніи(х), и не обрѣзаніемъ плоти
вашея оживилъ богъ съ Хомъ даровавъ, намъ вся пре-
грѣшеніа, о(т)мывъ суце на насъ рукописаніе, ученію
еже бѣше противно намъ. И тое взялъ о(т) среды, при-
гвозди на кр(с)тѣ. и прочая. Третіи пожитокъ смрти
Хвое иже насъ держитъ, абы есмо не грѣшили. А тое
таковымъ обычаемъ бываетъ, Видимъ яко великіе му[ки
130v и тя(ж)ки, по(д)ня(л) хъ за оное непослу||шество о(т)ца
нашого Адама, которіе муки самъ богъ на него былъ
уложилъ, яко Пророкъ пишеть, иже самъ богъ о Хе рече,
Поражу пастыря и разыдутся овця. Если тому вѣруемъ Захар: гї.
мовлю, латвѣ розумѣти можемъ, ижь богъ грѣха велми
ненавидить, поневажь и тако окрутне в сыне своимъ ска-
ралъ, аже к нѣму оныя слова възопилъ, Боже мои, боже Мат: ргї.

Марк: ѿи. мои, въскую мя еси оставилъ? Таковъ пакъ гнѣвъ божіи противъ грѣхѡмъ бачечи, верни Хртїане выстерегаются грѣховъ вѣдаючи яко ся никому безъ скаранья неминають. А тые суть пожитки муки и смерти гда нашего Ха. Бо иишии на тотъ часъ опушаю.

[Пыта(н).]

[У си(м)воле або зложен(н)ю апосто(л)ско(м) припо||ме- 131
нувши погребенье Ха, припоминается съшествие въ адъ,
што ты о томъ розумѣ[е]шь? Што есть адъ?

О(Т)КАЗЪ.

Тое части не вси вѣспоминають, которїи гасло Апостольское толкуютъ, и тако ся ми видить иже тые слова не борздо до гасла съборного приложено. Оное дивнеишаа рѣчь, ижъ Іоаннъ Коїстайтиноградъскїи Епѣ, которого Златоустымъ называютъ, двѣ бесѣды на Апостольскїи символъ написалъ. О(т) которїи(х) въ первой съществїа въ адъ не прїпоминаеть. Въ второй пакъ и прїпоминаеть и толкуеть. Але якожькольвѣ есть годится о(т) стго пи-
[сма ро(з)гльдети, што е(ст) адъ. А [ино] ся сошествие 131v
хво во адъ розумее(т) чисто|| бо сее слово Адъ у стомъ
писанїю находимъ, але не на вякомъ мѣсте одинъ розумъ
держитъ. Напервей бо розумѣется в мѣсто гроба. Яко
въ ѡалтире написалъ Давыдъ, Не оставиши души моя
въ аде, ни даси прп(д)бному своему видети истленїя.
Здѣ. адъ за гробъ Давы(д) положилъ. А тое жъ е(ст),
не оставиши души моя въ аде, яко естли бы реклъ,
Не оставиши души моя въ гробѣ. На тотъ же обычаи
розумѣется онаа рѣчь Іакова, которую о Іосифе поведѣлъ
такъ, Сниду къ сыну своему сетуя въ адъ. опять тое жъ
слово розумее(т)ся иногда о ономъ мѣсте, на которомъ
суть души неч(с)тивыхъ. Яко въ притчи о [богато(м) и о
Лазари, Хс поведѣл[ъ] умрѣ [ж]е [б]огаты(и) и погребоша|| 132

его. И въ адѣ възв(д)ѣ о[чи] свои. Яко бы реклъ, на мѣсте осуженыхъ, или неч(с)тивыхъ. Што ся пакъ тычеть съшествіа Хв̄а въ адъ, не тако о томъ розумѣти маемъ, яко неціи старечьские басни змысливши написали, яко бы Хс̄ на онъ часъ, коли тѣло его у гробѣ лежало, мѣлъ на оное мѣсто снїити гдѣ души стѣхъ отецъ были, и о(т)туле оныи души вывѣсти. Нигдѣ бо о томъ не пишетъ.

ПЫТАНЬЕ.

[Каже яко бы сошествіа х(с)ва во адъ ни(г)дѣже стое писание [не] (в)споминало(,) але ся мнѣ опя(т) види(т) иже ся о то(м) на многи(х) мѣстѣхъ находи(т), оно на-
 132в пе(р)ве(и) в п[ь]/(р)во(м) посла(н)и стого ап(с)ла п(р)еда [За(ч): ̄.]
 я(в)не о то(м) пише(т) сими словы хс̄ единою||| о грѣсѣхъ
 пострада праведникъ за неправедники, даны приведе
 бг̄ви, умрѣвѣнъ убо бывъ плотію, оживъ же дх̄омъ, о немже
 и суще имъ въ темници дх̄омъ, съше(д) проповѣда. Здѣ,
 яко ся мнѣ видить, явне Апл̄ъ пишетъ о съшествіи спа-
 сове въ адъ. Другое мѣсто естъ у Пророка Захарїа, сими
 133 бо(г) [о(т)верже] ворот[у] адову сокруш[ы]/(в) пре(д)||| Глава: ̄
 гдѣмъ, сими бо словы рече, Азъ пре(д) нимъ поиду, и горы
 уравнию, врата мѣденая съкрушю, и верей желѣзныя
 сломя, и дамъ ти іменїа темная и сыкровеная, и прочая.
 У ѱалмѣ тѣже оныя слова, Возмете врата князи ваша
 и възмѣтеся врата вѣчная, и ввидеть царь славы, на
 [***]. м̄е]

В третїи(х) кни-
га(х) правосла-
вныя вѣры.

кого речены суть, естъли не на князеи адовыхъ, егда \overline{Xc} къ аду пришолъ; А не только стое писаніе, але и бгословци съшествіе \overline{Xv} въ адъ въспоминають, mezi котори(х) Дамаскинъ тако пишетъ, Съниде въ адъ душа бже(с)твейная, дабы яко на земли суци(м) правды въ сїа солнцомъ, тако и иже по(д) землю въ тмѣ и сѣни смртнѣи седяху, свѣтъ да увидяты. о(т)кажи ми на тое.

О(Т)КАЗЪ. ||

Вѣдаю яко вже о(т) давного часу вкралося сее доми- 133v
иманье mezi хртїанъ, иже не толико посполство, але и
научени неціи чу(д)но о адѣ и о съществїи въ адъ \overline{Xv}
розумѣють. Напервѣи бо кажють яко адъ естъ въ сре-
дине земли. Потомъ о \overline{Xe} тако розумѣють, яко душа его
розделившися с тѣломъ и лежащу ему въ гробѣ съшла
з многими агглы въ адъ, и о(т)туле вывела души отецъ
стыхъ. И к тому своему домиманью прибѣрають о(т)
стго писанїа тые свѣдѣтельства о(т) посланїа Петрова
о(т) пророч(с)тва Захарїина, Исаина, и ины(х). Лечь
ся не тако съшествіе \overline{Xv} въ адъ розумѣеть, Тые теже
писанїа не о томъ пишють. Вѣдомо бо о(т) стго еван-
гелїа, яко \overline{Xc} умѣраючи не въ адъ овѣцался ити, але
напервѣи || розбоиника покаяне прїимаючи обецался с 134
нимъ того жь дня в раи быти, а потомъ въ руке богу
прѣдалъ духъ свои. Прото ани при смерти, ани пре(д)
томъ не повѣдѣлъ того гдѣ, абы мѣлъ въ адъ сходити.
Бо естъли бы тако мѣлъ учинити, пре(д)повѣдѣлъ бы о
томъ первѣи ученикомъ, яко и иныя вся дѣла своя яже
створити мѣлъ, а на чомъ бы оправданїе наше належало,
пре(д)повѣдѣлъ. Оповѣдѣлъ далеко еще пре(д) томъ
нежели пришло, поиманье свое. Оповедѣлъ битье,
преданье языко(м), поруганье, распятые, и тридневное
у гробѣ о(т)почиванье, изъ мртвыи(х) въскресенье, на

небеса възнесеніе, дѣа стго съшествіе. Чого бы для и
 сего въ адѣ съшествіа не оповедѣлъ? Бо иже некоторіи
 134v говорятъ яко \overline{Xc} оными || словы обещался въ адѣ снїити
 душею, гдѣ рече къ книжникомъ, яко Іона бѣ въ чрѣвѣ
 китовѣ три дни и три ноци, тако будетъ сынъ челоуѣ-
 ческїи въ сер(д)ци земли три дни и три ноци, ничего не
 помагають, Бо тые слова не о съществїи въ адѣ, але о
 тридневномъ въ гробѣ лежани \overline{Xc} поведѣл. Яко и вси
 бгословци розумеють, а наболеи самъ \overline{Xc} ознамуеть. Бо
 бытъе оное свое в земли за знамя обещалъ книжникомъ.
 А естли знамя, ино потреба абы было явно. Съшествіе
 пакъ въ адѣ не могло быти яв? но. А такъ вже каждыи
 розумѣти можетъ, иже сее о душевномъ съществїи \overline{Xv}
 въ адѣ домниманье не ест певное, поневажъ о немъ \overline{Xc} ни
 однимъ словомъ не пре(д)повѣдѣлъ. Тое пакъ мовлю,
 135 не у томъ обы||чаи, абыхъ съшествіа \overline{Xv} въ адѣ не
 вѣрилъ, але иже не таково было, яковое они домнимають.
 Потомужъ и о адѣ омыляются. Бо тако о нимъ розумеють,
 яко бы сер(д)е земли замокъ твердый съ желѣзными ве-
 реими былъ, у которо(м) души стыхъ, они же до \overline{Xa}
 померѣли, яко вязни замкнены были. Сїя суть старечьскїе
 басьни. Бо нигдѣже намъ \overline{b} мѣста на которо(м) бы адѣ
 былъ не ознамилъ. Прото и бгословици не згожаются
 пишючи о томъ. Златоусты пишючи на оныя \overline{Xv} слова,
 Неключимаго раба вѣвѣрѣте въ тму кромешную, кажетъ
 яко неціи домнимаются аду быти не в земли, але кромѣ
 или вѣне свѣта, и того для повѣдаеть \overline{Xc} не рече, вѣверѣ-
 жѣте въ тму преисподню, али кромешную. Прото
 135v поне||важъ намъ \overline{Xc} мѣста того не ознамилъ, а к тому
 толковники не згожаются, лѣпшеи того такъ занѣхати.
 Довольно намъ вѣдати и вѣрити яко адовы муки суть
 уготованые діаволу и аггломъ его о(т) вѣка, и(х)же при-
 частники будутъ вси неч(с)тивїи. О мѣсто пакъ непо-

Мат: За(ч): мѣ.

Вв[→ в] Еванге-
ліе Матѣвїа
бесѣда нѣ.

Матѣ: За(ч): рѣ.

Матѣ: За(ч): рѣ.

требна речъ сваритися. Тымъ же обычаемъ о душахъ отецъ, они же до Ха померѣли, не е(ст) речъ хртїанская домнимати, абы по(д) рукою бѣсовскою были. Бо напро-
тиву того мниманья самъ Хс̄ стоитъ гдѣ у притѣчи о бо-
гато(м) и о Лазари, явно кажетъ, яко по см̄рти Лазаровѣ
днесенъ былъ черезъ агглы на лоно Авраамлѣ. Видишь
не рече бѣси поимали и донесли въ адъ, але агглы на
лоно Авраамлѣ. Што пакъ о Лазари поведѣлъ гдѣ, тое
жь || даль знати о всѣхъ блаженныхъ душахъ. К тому
и у книзѣ Премудрости написано, Праве(д)ны(х) души
в руцѣ божїеи, и не прикоснется имъ мука. З молитвы
тѣже славного пророка Илїи розумѣти можемъ, иже
души угодниковъ божїихъ не въ адъ ани въ муки, але въ
руце божїе изъ тѣла исходили. Тако бо Илїа молится
бгу, утекши о(т) лица Іезавелѣ царицѣ въ пустыню, и
рече, Досыть ми нынѣ, прїими уже душу мою о(т) мене
гди, яко не лейшии азъ есмъ нежели о(т)ци мои. Если
бы Илїа мѣлъ въ адъ душу свою предати, яко теперь
неціи розумѣють, не просилъ бы бга о см̄рть, ани бы к
гду реклѣ, прїими душу мою, если бы въ адъ ити мѣла.
Але вѣдаючи Пророкъ яко см̄рть мѣла ему не муку, но
о(т)починенье принѣсти и || конецъ скорбемъ учинити, а
наболеи ижъ дша его мѣла въ руке богу ити, того для
безбечно о см̄рть просить. Бо если бы ся такового житла
по см̄рти надѣялъ, якое тїи повѣдаютъ, штожь бы Илїа
зыскалѣ? Не лейшей ли ему было критися здѣ и втекти
пре(д) Царицею, нежели въ адъ съше(д)шивъ тмѣ яко
Мнихи домнимаютъ, и ввезени у дїавола быти? Гоненье
бо Іезавеле хотяжь было страшно, але не долго и с нею
згинути мѣло.

Надѣюся иже вже сты(х) доводовъ явно, яко души
оныхъ стыхъ отецъ не въ адъ ани въ муки сходили, але
по Соломону навращалися къ богу. Тои бо тако рече,

Навратит̃ся прах̃ в землю о(т)куле был̃, и дух навратит̃ся къ б̃гу иже дал̃ и. А поневажъ || ся оныѣ д̃ши къ богу навращали, што жь за домниманье оныхъ есть, которїи поведаять, абы по д̃ши Адама, Еввы, Авраама, Давыда, Кр(с)тителя и иныхъ въ адъ съшолъ Х̄с? уже мовлю латв̃ѣ познати сие басыни. Але иже е писанїем̃ пророкъ и Апостолъ накриваю̃т, попытаемъ къ речи ли сия писанїа прїводять. Бо недосыть на томъ, иже кто писание приводитъ, потреба обачити, о чомъ писание пишеть. Згожае̃т ли ся розумъ его з розумомъ того о̃н же е приводитъ. Святое бо писмо и дїаволъ приводити можеть, але къ злomu. Яко и самому г̃ду о(т) ѡфалма привел̃, Аг̃гломъ своимъ за повѣсть о тебѣ съхранити тя, и на рука(х) възмут̃ тя, да некогда прѣ(д)кнеши о камень ногу твою. Неже||ли Х̄с на том̃ писанїю не досыть мѣл̃, не для того абы писанїю мѣста не дал̃, але иже иныи розумъ дїаволъ писанїю с̃тому пришити хотѣл̃. Ѳалом̃ бо обещуетъ всемъ бл̃гоч(с)тивымъ аг̃гльскую оборону егда ходять по путемъ своимъ, То есть, коли своего позванїа или повинностей свои(х) пил̃нують. Опять дїаволъ к̃ тому приводил̃, абы Х̄с в̃ надѣю тое обороны лѣтати по воздуху захотѣл̃, Лечь не той был̃ путь Ха, и того для другое писмо г̃дѣ привѣл̃. Гдѣ оба[ч]и хитрость сатанину, приводячи писмо, не потому приводитъ яко написано, але только оныѣ слова обѣраеть, которїе бы на позоръ его речи служили, а оныѣ минаеть, каторїе напротиву его стоятъ. Ѳало(м) бо рече,

138 Аг̃глом̃ || своимъ заповѣсть о тебѣ сохранити тя въ всехъ путе(х) твои(х). Онъ пакъ не поминаеть путеи, абы ся леть его не явила. Але о то(м) досыть, приступѣмо къ писму, каторо(м) душевное в̃ адъ Х̄во с̃шествїе укрѣпляютъ. На пер̃вей приводятъ Петра Ап̃ла слова, у котори(х) тое напре(д) обачь, иже Ап̃л̃ не пишеть о д̃ши

Ѳало(м): ч̃.

Хв̄ои абы въ адъ съшла, але о духу его, о нѣмже съшедъ
 в темници духомъ суще имъ проповѣдалъ. Далекѣ бо инаа
 рѣчь е(ст) души сына божіею снѣити въ адъ, а иная Х̄ви
 силою д̄ха своего проповѣдати, или о духу въ темницу
 с̄ходити. Свѣдѣчитъ Петръ яко самъ Х̄с, а не д̄ша его,
 духомъ проповѣдалъ. Нежели того для приложилъ оное
 слово, о немъ, то есть, о духу, абы кто не домнималъ || 138v
 Ха очевистѣ къ оны(м) духомъ съше(д)шаго. Есть бо
 обычаи ст̄го писма коли неочивистѣ а не особою кого
 при чомъ быти ознамити хочеть, прикладаетъ сее слово,
 о духу, или духомъ. Яко Іоан̄нъ бг̄ословъ в о(т)кровеніи
 своимъ пишетъ, Азъ Іоан̄нъ братъ вашъ и обещникъ въ
 печалѣхъ и цр(с)твѣ и терпеніи Іс̄ Х̄вѣ, бѣхъ въ островѣ
 нарѣцаемѣ Патмѣ, за слово божіе и засвѣ(д)тельство
 Іс̄ Х̄во, бѣхъ духомъ в̄ днѣ недѣльныи, и слыша(х) за
 собою гл(с)а великъ, и прочая. Здѣ о двояко(м) бытѣю
 своемъ Іоан̄нъ пишетъ. И о первомъ убо пишючи, не
 прикладаетъ оногѣ слова, духомъ, но просто рече, Бѣхъ
 на островѣ Патмѣ за слово божіе. Речію бо былъ в̄
 заточеніи на то(м) островѣ не в̄ виденіи. Лечъ другое
 бы||тѣе выписуючи, понѣже не в̄ рѣчи, але в̄ видѣнїи 139
 было, того для рече, бѣхъ духомъ. Потомуже и Іезекіиль
 пророкъ выписуючи яко и духъ взялъ, и принесъ в̄ зем-
 лю Халдеискую, приложилъ наконецъ, духомъ, абы кто
 о немъ не домнималъ, ижъ бы его с тѣломъ духъ пре-
 носилъ. Тѣло бо на мѣсте своемъ было и душа в̄ тѣле
 была, але ему бг̄ъ в̄ видѣнїи оную землю показалъ, не
 иначе яко бы тамо тѣломъ и д̄шею былъ. Прото и гд̄ь
 нашъ понѣже д̄хомъ в̄ темници проповѣдалъ, не можетъ
 ся о д̄ши его тое розумѣти, але о д̄ху его, То есть,
 изъявилъ онымъ духомъ Х̄с свое евангелие, которїи в̄ тем-
 ници были. Не иже бы к̄ нимъ особою або д̄шею своею
 пришолъ, але, яко Петръ пишетъ, духомъ, се есть, силою ||

Апокал: а̄.

Глава: а̄і.

139v дѣха своего. А се есть перѣвыи знакъ, иже ся сѣа рѣчь Петра Апѣла не о томъ съшествіи розумѣеть, которое мнихи собою выдумали, яко бы Хс̄ дѣшею по дѣши стѣхъ въ адѣ исходилъ. Другую речъ еще въ тѣхъ таки стѣго Петра словѣхъ обачи, Тѣи бо которіи тѣе слова о съшествіи дѣшевномъ Ха̄ въ адѣ розумѣють, тако повѣдають, иже Ха̄ва дѣша того часу въ адѣ съшла, егда тѣло въ гробѣ лежало. Лечъ здѣ того Апѣлъ не кажетъ, но еще противу того повѣдаетъ, яко Хс̄ дѣхомъ оживѣ суще имъ въ темници проповѣдалъ. Ясне видишь, што Апѣлъ розумѣеть, иже Хс̄ тогды суще имъ въ темници проповѣдалъ, коли вже дѣхомъ ожилъ, То есть, по въскресеніи своемъ. Бо што рече дѣхомъ оживѣ, тако розумѣи, || яко есмъ и бышеи выложилъ, иже Хс̄ дѣхомъ проповѣдалъ, Се есть, силою дѣха своего духомъ еѣангелие свое ознамилъ. Тако мовлю и здѣ розумѣи, гдѣ Апѣлъ рече, Хс̄ дѣхомъ оживѣ, То есть, силою дѣха своего оживѣши. Явная рѣчь стѣхъ словъ, иже оное въ темници проповѣданье, уже по въскресеніи было. Прото неможетъ ся тое мѣсто о томъ съшествіи дѣшевномъ, которое николи не было, розумѣти. Къ тому еще и тое обачь, иже Апѣлъ не о аде, але о темници пишеть. По греческѣи Апѣлъ написалъ еѣ *филаки*, то есть, въ темници, не еѣ *адо*. Темницею пакъ зовѣтъ не адѣ, але желаніе оныхъ блаженныхъ духовъ, которое имъ въ мѣсто вязенья или темниц и было. Лечъ о томъ вже досыть.

140v Къ пророче||ству Захаріѣину приступлю, которыи тако пишеть, И ты въ крови завѣта твоего испустилъ есъ узники своя о(т) рова неимуца воды. Тако е(ст) у старомъ преводѣ изъ греческого превода, нежели въ евреискихъ книгахъ на тотъ обычаи пишеться сее мѣсто, И ты въ крови завѣта твоего, испусти(х) вязни твоя изъ рова не имуща воды. Сѣа слова Захаріѣа въ особѣ божіеи къ дѣщи Сіонстей того часу говорилъ, коли з неволи Вавилоѣское

Глава: ѿ.

вышли, додаваючи имъ доброе мысли и обещаючи имъ певное избавленіе о(т) рова не имуща воды, се есть, о(т) скорбей и тру(д)ностей, которые и(х) потыкати мѣли. А яко на той ча(с), дочасное избавленіе дощѣ Сіонской пророкъ именѣмъ божіимъ обещавалъ, тыми словы, тако о||пяты тыми жъ словы обещуетъ стои церкви вѣчное 141
избавление о(т) рова сухого, то есть, о(т) распачи. Прото не о вымышленыхъ ровѣхъ тые слова маемъ разумѣти, але о духовныхъ ровѣхъ. Пророкъ бо черезъ подобенство искрушенія и распачь ровомъ называетъ. Бо яко изъ рова изыти члвкѣ самому нельзя, тако из распачи, грѣховъ дѣля, невъзможно, если бы не богъ пособилъ выбрѣсти. Ровъ пакъ не имущій воды, того для рече, яко в распачи потехи или охложенія нѣтъ.

Ісаіа не маеть никакое тру(д)ности. Сия бо слова Азь пре(д) нимъ поиду, и горы уравниаю, врата мѣденая съкрушу, самъ бгъ къ Кирови рече, яко кажъныи чтучи вырозумѣти можетъ. Тако бо исперва сию гла||ву Ісаіа, 141v
починаеть, Сице глеть гдѣ, богъ помазаному моему Кирови, егоже дрѣжа(х) десницу, повинутися пре(д) нимъ странамъ, и крѣпость црѣску разрушу, о(т)верзу пре(д) ни(м) врата, и гради не затворятся. И по си(х) словѣхъ, тые слова реченные богъ рече, Азь пре(д) нимъ поиду, и горы уравниаю, врата мѣденая съкрушу, и прочая. Вся слова о Кире цари розумѣются, которому здѣ богъ обещуетъ вси страны о(т)дати, города пре(д) нимъ о(т)мыкати, и тако ему щастити, абы ся ему никто противити не могъ. А хотяж ся тогда еще Кирь не родилъ, але ся сія потомъ вся исполниша. Яко и сам Кирь писаніемъ листовъ съзнаваетъ. Тако бо о нимъ Езра пишетъ,
Езр: глав: а. Въ первое лѣто Кира цра Перскаго, дабы исполнитис[я] ||слову гдню о(т) устенъ Іереміи Пророка, възбуди гб 142
духъ Кира цра Перска, и извѣсти гла(с) въ всѣ цр(с)твие

языковъ говорити, о(т)кинутися, и о иишюу рѣчь стати
выписовати. Иишя бо рѣчь е(ст) навращеніе языковъ къ
бгу, а иишя съшествіе Хво въ адъ. Лечь того обы-
чая дхъ стыи не маеть, абы тако рѣчь одну з другою
мѣшалъ. Прото || и тотъ шаломъ, яко и сперва о всеи 143v
земли свѣдѣчати почалъ, иже е(ст) г(с)дня, се есть, иже
вси живуціи на земли мѣли познати бга тако и на конци
напоминаеть цареи, абы взяли а о(т)томкнули врата
вѣчная царю славы, или славному, то есть сыну божиему,
и науцѣ его. Называетъ пакъ вѣчными вороты,
твѣрдость поганъ, у которой о(т) вѣковъ пребываючи бга
знати не хотѣли, а яко бы ся пре(д) нимъ замыкали.
Потомужь и на иномъ мѣсте знаидешъ написано, И нынѣ
царие разумѣите, накажитесь вси судящие земли. Рабо-
тайте гдѣви съ страхомъ, и прочая. О(т) же маешь пра-
выи того писанія розумъ, которое посполите приводять
къ утверженіи съшествіа Хва дшею въ адъ. А што ся 144
Дамаскина дотычетъ, тои || понѣже не только в томъ
мылилъ ся, але и в многыхъ иишихъ реча(х), прото не
надобѣ на его писаніе дбати.

ПЫТАНЬЕ.

Какъ же розумѣти маю о томъ словѣ у зложеніи Апо-
стольскомъ, надобно ли есть чи ли не?

О(Т)КАЗЪ.

Я тако о томъ розумѣю, иже у которихъ церквахъ ис-
перва еще того слова не былъ обычаи говорити у стомъ
символе, абы и теперъ безъ него говорили. А которие
церкви сее слово здавна мѣли, абы и теперъ его вживали,
але того потреба, абы ся не о таковомъ съшествіи, якое
мнихи выдумали, ризумѣло?

ПЫТАНЬЕ.

144v Яко жь $\overline{Хс}$ въ адъ зышоль? або што е(ст) съ||нїити въ адъ?

О(Т)КАЗЪ.

Сниити въ адъ, е(ст) гнѣвъ божии почути и страховъ адовыхъ укусити. Яко въ ψ алмѣ написано, Одерѣжаша мя болѣзни смертныя, и потоци безаконїа смутита[→ смутиша] мя. Болѣзни адовы обыдоша мя, предвариша мя сети смертныя. Прото гдѣ о $\overline{Хе}$ и сповѣдуемъ иже въ адъ снииде, розумѣется, иже гнѣвъ божии напротивъ грѣхомъ нашимъ, которіе на собѣ носилъ, почувъ

Ψ ало(м): зї:

ПЫТАНЬЕ.

Скажи ми причину того гнѣву божіею, для чого и $\overline{Хс}$ утерпѣлъ?

О(Т)КАЗЪ.

145 Для на(с), абы мы свободни о(т) гнѣва божіа были. Ставилъ ся бо $\overline{Хс}$ предъ су(д) божіи страшныи, гдѣ великии гнѣвъ позналъ, та||ко иже къ о(т)цу голосомъ великимъ оныя слова възопилъ, Боже мои, боже мои, въ что мя еси оставилъ?

Марк: За(ч): ѡй

Ψ ало(м): кѧ.

ПЫТАНЬЕ.

Скажи ми тое, понѣже $\overline{Хс}$ яко теперѣ тако и на онъ ча(с), не только былъ члвѣкъ але и бѣ како на него тые страхи прїити могли,

О(Т)КАЗЪ.

Аплъ на тое о(т)казуетъ сими словы, $\overline{Хс}$ въ зраце бжіемъ сый, не въسخищенїемъ не ѡщева быти равенъ бгу, но себѣ изліа зракъ раба приемъ. Гдѣ рече яко $\overline{Хс}$ себѣ изліялъ, даетъ знати, иже тогда не хотѣлъ на ча(с) вельможїа своего вживати, ани оказовати, але въ всѣмъ былъ намъ подобѣнь.

За(ч): см̄.

ПЫТАНЬЕ.

145v Опустивши тоє навѣрнемся къ разбѣ||ранью иного слова.

ОТКАЗЪ.

За вызнаньемъ смерти сына божіа, исповѣдуемъ его из мртвыхъ въскресеніе, яко въ третіи днь силою божества своего ожилъ и всталъ, потому яко стіи пророци о немъ писали.

ПЫТАНЬЕ.

Чого для не за того жъ але аже въ третіи днь Хс из мртвыхъ въскресъ?

О(Т)КАЗЪ.

Не себе для яко бы не могъ того жъ часу въскреснути, але для на(с) и для упевненья наше вѣры. Бо если бы того жъ часу гдѣ ожилъ, ииши бы розумѣлъ, иже бы не былъ умеръ.

ПЫТАНЬЕ.

146 Што намъ за пожитки принесло въскре||сеніе Хво.

О(Т)КАЗЪ.

Многие пожитки, а наболе сие, Наперѣи иже певни есмо силы его противъ смрти, понѣже не могла его удержати, и на(с) не уд(е)ржитъ, коли едино с нимъ будѣмъ. Тои бо, яко Церкѣи его поеть, смертїю смерть попра, или потопталъ. Лечѣ не иначе потопталъ, хыба иже о(т) мртвыхъ всталъ. и о(т)толѣ намъ справе(д)ливость пришла.

Други пожитокъ, иже взоръ а просте яки закла(д) нашего въскресеніа и вѣчного живота, маемъ. Бо если Хс ожилъ, и мы оживѣмъ. Третіи пожитокъ ижъ паметаючи на Хво о(т) смерти въскресеніе, и мы о(т) вины

146v смерти, се ест о(т) грѣховъ къ новому животу въста-
ваемъ. О томъ Аплль тако пишеть, Якоже въста Хс̄ о(т)
мр̄твыхъ || славою о(т)чею, тако и мы въ обновленіи
жизни ходити начнемъ.

ПЫТАНЬЕ.

Што потомъ гасло, или зложенъе вѣри, описуеть.

О(Т)КАЗЪ.

Въшествіе или възнесеніе Хво на нбса.

ПЫТАНЬЕ.

Яко о томъ възнесеніи держишь. Тако ли Хс̄ на небеса
възнесеся, иже потомъ его здѣ на земли нѣтъ?

О(Т)КАЗЪ.

Особою своею о(т)шоль о(т) на(с) на небо Хс̄, и вже
его особы телесное нѣтъ здѣ. Бо доконавши всего, што
былъ о(т) о(т)ца принялъ, и все съвершивши чого спасеніе
наше потребовало, не было potrzeby должеи ему межи
нами пребывати. ||

147

ПЫТАНЬЕ.

Ино вже межи нами нѣтъ гда нашего?

О(Т)КАЗЪ.

Есть и всегда будетъ, яко самъ вже идучи в небо рече, Мат: За(ч). рї
Се азъ с вами есмъ въ вся днї до скончанїа вѣка. Нежели
тое его бытїе, не есть тѣлесное, але духовное. То есть,
тѣломъ есть, теперь только на набесѣхъ, але духомъ
вездѣ есть, яко истинныи богъ.

ПЫТАНЬЕ.

Што намъ за пожитокъ възнесенїа Хва?

О(Т)КАЗЪ.

Двои пожитокъ с того маемъ. Первыи яко вже певніи есмо того, иже намъ дорога в него уготована, и мѣшканье. Бо тако самъ Хс повѣдѣлъ, Иду уготовати вамъ мѣсто, и аще иду уготовати ва(м) || мѣсто, паки прїиду и поиму вы къ себѣ, да идеже есмъ азъ и вы будете. Другии пожитокъ, яко вже ходотая и заступника маемъ пре(д) лицомъ божиємъ гдѣ ншого Ісѣ Ха.

ПЫТАНЬЕ.

Яко ся розумѣеть што пото(м) исповѣдуемъ, се естъ, Сѣдяща о десную о(т)ца? Какова се десница у бга, и како Хс сидить?

О(Т)КАЗЪ.

Десници богъ нѣ маеть, яко и всѣхъ иныхъ удовъ, по нѣже е(ст) дхъ, нижли и стое писмо часто тымъ обычаемъ о бозѣ говорить, яко бы мѣлъ члвчскіе уды или члоники, абы есмо потому лейшеи и снаднеи вырозумѣти могли. Яко коли на(с) пи(с)мо упоменути и научити хочеть, абы есмо вѣрили, яко ся пре(д) богомъ утаити нельза, причитаеть || бгу очи, А если намъ за такового, бга указати хочеть, котори бы радъ просящи(х) выслуخالъ, приписуеть ему уши. Тымъ же обычаемъ здѣ хотечи ознаимити, яко Хс всякою славою и властью о(т) бга подарованъ, и гдѣмъ всякому створенью учиненъ, кажесть о нимъ зложенъе вѣры, яко о десную о(т)ца сѣдитъ. Тако бо межи люди, наболеи у пановъ великихъ бывает, оныхъ по правои руцѣ сажаютъ котори(х) собѣ равными быти знаютъ, або естли кому свои урядъ полѣцають. Прото гдѣ о Хе яко о десную бга о(т)ца сидить исповѣдуемъ, тако розумѣемъ, иже е(ст), яко есмъ вже повѣдѣлъ, господаро(м) богомъ всеи твари.

ПЫТАНЬЕ.

148v Чого для такъ просто о $\overline{Хе}$ не кажетъ Га||сло, иже е(ст) г(с)дѣ $\overline{бг}$ ъ всеи тавари?

О(Т)КАЗЪ.

Гасло иже е(ст) о(т) $\overline{стго}$ писаніа събрано, прото тыми жь словы е(ст) пописано, которими ся тамо наидуеть. То пакъ сее слово е(ст) прибрано о(т) $\overline{шлма}$ Давидова гдѣ тако пишеть, Рече г(с)дѣ $\overline{гдєви}$ моему, сѣди о десную мене.

ПЫТАНЬЕ.

Опять яко маемъ розумѣти, гдѣ исповѣдуемъ, иже $\overline{Хс}$ паки прїидеть въ славѣ судити живымъ и мртввымъ. Естли бо судъ $\overline{Хв}$ ъ не будетъ, ажъ по скончаніи свѣта, што жь тогда за живїи будутъ? Наболеи иже $\overline{Апл}$ ъ пишеть, яко всѣмъ $\overline{человѣком}$ уставлено единою умрети, пото(м) суду быти.

За(ч): тѣв.

О(Т)КАЗЪ.

149 Неціи черезъ живые блгоч(с)тивыхъ а черезъ || мртвые незбожныхъ розумѣют, але $\overline{Апл}$ ъ право живыхъ розумѣеть, котори(х) су(д)ныи днѣ в тѣле застанеть, а мертвыми оныхъ зовѣть, которїи до того часу помрють. Тако бо къ Солуняно(м) пишеть. Се $\overline{глєм}$ ъ словесѣмъ гднѣимъ, яко мы живы суще и лишени въ пришествїе г(с)дне, не имаемъ постигнути умерши, яко самъ г(с)дѣ въ повеленїи, и въ гласѣ $\overline{архагглевѣ}$, и въ трубѣ божїи снидеть съ небесѣ и мертвїи о $\overline{Хе}$ въскрєснутъ преже, пото(м) же и мы живїи и лишени купно с нимъ въсхитимъ ся на облацѣхъ.

За(ч): сѣ.

ПЫТАНЬЕ.

Вижу и розумѣю што мртвїи а што живїи, але еще не вижу яко сее слово згодится з онымъ, которое вже привелъ есмъ о(т) того жь $\overline{Апла}$. Бо здѣ пишеть, яко

За(ч): тѣв.

они ко||тори(х) днѣ судныи застанеть, въсхищени будутъ на облаки, въстретеніе гдѣне на въздусе, и тако всегда съ гдемъ будутъ. если съ гдемъ будутъ, ино не умрють, Какъ же ся исполнить оное слово, уставлено или лежить члвѣку единою умрѣти?

149v

О(Т)КАЗЪ.

За(ч): рѣг.

На тое пытанье сам же Апль въ первомъ посланіи къ Коринѣомъ о(т)казуетъ сими словы, се же таину вамъ глюю, Все убо не усъпнемъ, все же изменимъся в непересѣчени, въ мгненіи ока, в после(д)ней трубѣ. Гдѣ кажетъ Апль иже все изменимъся, даетъ знати иже и они котори(х) днѣ су(д)ныи застанеть помрутъ, Але ижъ опять вельми скоро яко окомъ скинути можетъ оживуть, того для смртію не зовѣтъ но измененіемъ. А што || рече, не усъпнѣмъ, тое для того приложилъ, иже они котори(х) днѣ г(с)день живыхъ найдеть, хотяжъ умрють, але иже въ мгненіи ока оживутъ, не усъпнутъ. Се е(ст), не будутъ потому у гробѣхъ лежати, яко которіи теперъ умѣрають.

150

ПЫТАНЬЕ.

Яковъ намъ тои днѣ будетъ, страшенъ ли, чи веселъ?

О(Т)КАЗЪ.

Лука: За(ч). рѣ.

Не можна рѣчь, абы тогды страхъ великъ на люди пріити не мѣлъ, егда и земля и небеса и все невесныя силы порушатся. Нижли таковыя страхи не на блгочтивыхъ но на грѣшны(х), а неч(с)тивыхъ богъ пустить, которіи теперъ бга не боятсѣ и о заповѣди его не дбають. Тіи на тотъ ча(с) стра(х) великъ пріимутъ. Опять блговернїи, которіи || здѣ о(т) невѣрныхъ всяку обиду терпятъ, радуются. Яко и Хс повелѣваетъ. гдѣ рече, Начиначимъ же симъ въсклонитесь и въз(д)вигнете главы ваша, яко приближисѣ избавленіе ваше. Велить въздвигнути главы,

150v

се е(ст) радоватися вѣрующимъ. Кто бо наклонивши голову ходитъ или сѣдитъ, знати иже смутенъ естъ. Опять кто весель, той къ горѣ голову держитъ.

ПЫТАНЬЕ.

Яко маемъ оногo дня ожидать?

О(Т)КАЗЪ.

Не маемъся опущати, ани в недбалость или в прожнованье удати, але съ страхомъ и трепето(м) по аплу За(ч): сѣма.
спасеніе свое съдѣвати, безпрестанно ся молити, животъ
151 побожный и тверезъ жити, о(т) лихоимства ся блю|| сти,
м(с)тину потребнымъ давати, и во всѣ(х) справахъ спасеніе свое и днѣ остаточныи памѣтовати. Тако бо самъ
Хс учитъ, на(с) того дня ожидать. Вънемлете собѣ да Лук: За(ч) рѣз
некогда отягчаютъ ср(д)ца вшя обядѣниемъ и пѣанство(м)
и печальми житейскими, и найдеть на вы вѣзаапу днѣ
той. Яко сеть бо прїидеть на вся сѣдящаа на лица всея
земля, бдите убо на всяко врѣмя моляще(с), да сподобитесь
убежати, всехъ си(х) хотящїи быти и стати пре(д)
сыно(м) члчскїимъ. На тотъ же обычаи и стѣи Апль
ожидати оногo часу учитъ, гдѣ къ Тїту тако пишетъ, Просвѣ-
тися блг(д)ть божїа спасительнаа всѣмъ члкомъ, наказу-
юще на(с) да о(т)вергшеся неч(с)тїа и мирски(х) похотеи, За(ч): тѣ.
цѣлом(д)рно и праведно и блговѣрно поживемъ
151v въ ны||нешнемъ вѣце. :чающе: блаженнаго, упованїа :ожидаючи:
и явленїа славы великаго бга и спаса нашего Іс Ха, иже
дасть себѣ за на(с), да избавитъ нас о(т) всякого безаконїа,
очиститъ собѣ людѣ избраны ревнителя добры(м) дѣломъ,
и прочая. Видишь яко стѣе писмо пришествїа на су(д)
Хва ждати научаетъ. А не только на си(х) мѣстехъ,
але и на иныхъ многихъ. Которіе бы вси Хртїане повинни
на каждый ча(с) на доброй памяти мѣти, и во(д)ле того
животъ свои справовати. Лечь ся теперъ далеко инакъ

находить, тако люди живут на сим свѣте, яко бы николи умрѣти не мѣли, або умрѣши яко бы на суде божіемъ стати не мусили. На тое еже вышло што самъ ГДѢ о остаточн(м) часъ повѣдѣти сими словы рачилъ, у||множится безаконіе изсякнѣтъ любовь многихъ, претерѣ 152 пѣвый же до конца той спасется. Потомуже и Аплѣ къ Тимоѣю пишетъ, Се же вѣжь яко въ послѣ(д)ная времена настанутъ врѣмена люта, Будуть бо члци самолюбци, сребролюбци, оплазиви, горди, хулници, родителемъ противлящеся, не блгодарни, непрепо(д)бни, нелюбиви, невѣтохранители, продерзливи, прелогатае, невздержници, некротци, не бглюбци, предателе, нагли[,] възносливы, сластолюбци нежели бглюбци, имуще образъ блгоч(с)тїа, силы же его о(т)вергъшеся. Страшные рѣчи здѣ вычитаетъ Аплѣ, а пре(д)ся теперешного часу находятя в людѣхъ без мала не вси. Прото каждыи побожныи з великою пилностію мається стеречи, дабы у та||ко 152v выхъ грѣсѣхъ днѣ гднѣ его не знашолъ. Намъ бо гдѣ рече, Бдите яко не вѣсте въ кьи ча(с) гѣ вашъ прїидеть. Але вже в третеи части стго символа.

За(ч): сѣе.

Матѣ За(ч). рѣ.

ПЫТАНЬЕ.

О чомъ есть третяя часть зложена вѣры,

О(Т)КАЗЪ.

О(т)[→О] третіемъ лицу божества, се ест о стомъ дху.

ПЫТАНЬЕ.

Яко исповѣдуемъ стго дха, говори?

О(Т)КАЗЪ.

Вѣрую и въ дха стго истиннаго, животворящаго, иже о(т) о(т)ца исходящаго, иже съ о(т)цом и сыно(м) спокланяема и славима, глѣвшаго пророкы.

ПЫТАНЬЕ.

Можеѣ ли ся стѣмъ писмо(м) показати, иже || дхъ стѣй *153
есть бгъ истинный.

О(Т)ВѢТЪ.

Можеѣ, и тако учинили епи(с)пи, противу македонїа
духоборца.

ВОПРОСЪ.

Которыми писмы доведи того.

О(Т)ВѢТЪ.

Полно есть о томъ, и долго бы было, если бы кто вся
приводити хотѣлъ. Я накоротцѣ толко мѣсть укажу.
Но первѣ моусей о дху стомъ тако пише(т): дхъ бжїй
ношаашеся поверху воды. Ясное есть в тыхъ словѣ(х) о
бжествѣ стаго дха свидѣ(л)ство, але бы еще яснѣйшее
было. если бы тако преведено. яко в' книгахъ еврейскихъ
моусей написалъ. бо что мы в' своихъ преводѣхъ маемъ.
*153v дхъ бжїй ношаашеся || Поверху воды, или водѣ. Еврейскїе
книги мають, дхъ бжїй согрѣвалъ воды: то есть давалъ
силу водамъ абы животъ нѣкїй мѣли в себѣ. На той обы-
чай стѣй Василїй сїе мѣсто толкуеть, ачколвѣ нѣцыи
иначе выкладають[.] Лечь самъ моусїй даеть знати иже
не о простомъ дху пишеть: Не рече бо просто. дхъ
ношаашеся але дхъ бжїй ношаашеся поверху во(д). на
тое памятуючи црѣ и пр(о)рокъ дѣдъ рече: словесемъ
г(с)днимъ нбса утвердишася. и дхомъ усть его вся сила
ихъ. Іоиль о дху сто(м) пише(т)[.] И будетъ по семъ,
излію о(т) дха моего на всю плоть. и прорекутъ снове
ваши и дщери ваши, и старцы ваши сны узря(т) и юноши
ваши видѣнїя увидятъ. И бо на рабы моя, и на рабыня
154 моя во дни || тыи възлѣю о(т) дха моего. Полно есть

Чти шестодне-
вещъ. Злато-
у(ст) в бытїю

Ψло(м): лѣ

таковыхъ свѣдствъ в пророцѣхъ, а еще достаточнейшии
 суть свѣдства у писмѣхъ новаго завѣта. Яко гдѣ Хс̄ по-
 сылаючи Аплы на ве(с) свѣтъ, повелѣваетъ имъ кр(с)ти-
 ти въ имя о(т)ца и сына и дха стго. Если вы дхъ стыйи
 не былъ творецъ, никако бы его сынъ божіи озле себѣ и
 о(т)ца не клалъ, ани бы его при тако великой стго крщеніа
 таини призвати велѣлъ. При крщени тѣже Хвом явне
 ся показало, яко дхъ стыйи богъ есть, а пре(д)ся иншіи
 нежели бгъ отецъ. Выписуютъ бо стїи евангелисти, яко
 дхъ стыйи пришолъ на Ха в образѣ голуба, а опричь
 пишуть о о(т)ци, яко вопилъ. Сеи есть сынъ мой въз-
 любленныи о немъже блгоизволи(х). Петръ тѣже Апль
 я(с)но дха стго || богомъ зовѣтъ. Обличаючи бо Ананію
 о ложь, тако говоритъ, Ананіе почто исполни сатана
 сер(д)це твое сългати дху стму, утаити о(т) цѣны села,
 несущее ли твое бѣ, и продано въ твоеи области было,
 Что яко положи въ ср(д)ци своемъ вещь сію? Не сългалъ
 есь члкомъ, но бгу. Што перъеи поведѣлъ иже Ананіа
 сългалъ стому дху, то у другое рече, богу есь солгалъ.
 онаимуючи яко дхъ стыйи есть истинныи бѣ. Есть и на
 ины(х) мѣстѣхъ много свѣдствъ яко дхъ стыйи есть богъ
 и творецъ, але на тотъ часъ опускаю.

ПЫТАНЬЕ.

Чого для дха стго животворящемъ исповѣдуемъ?

О(Т)КАЗЪ.

Того для иже тои насъ въ всякую исти||ну вѣдетъ о(т) 155
 которое вѣчныи животъ маемъ. Тои же тежъ невѣрие в
 на(с) губить, а вѣрю укрепляетъ. стра(х) заганяетъ,
 любовъ розжегаетъ, а немного говорячи, вси рѣчи о(т)
 ни(х)же животъ намъ приходитъ дхъ стыйи в насъ и зачи-
 наетъ и конаетъ. Безъ его помочи и сына божіа добродѣ-
 тельства причастники не бываемъ.

ПЫТАНЬЕ.

Первѣи есь поведѣль, иже изъ смерти сына божіа животъ маемъ, а тепѣрѣ опять кажешь иже о(т) дѣа стго живото маемъ. Яко тое розумѣти маю?

О(Т)КАЗЪ.

155v Правда есть ижъ намъ сынъ божіи грѣхо(м) оставленіе оправданіе, и живото вѣчны уготовалъ, але мы тако есмо естества || скажного, ижъ сами своею силою к тому прійти не можемъ, абы есмо въ сына божиего яко тои е(ст) спаситѣль нашъ, вѣрили але аже на(с) дѣхъ стыи притягнеть, кааніе в на(с) порушивши и сер(д)це освѣтивши. Прото Апль пишеть, яко никто можетъ реши гда За(ч): рѣ. Іса, точию дѣомъ стымъ естли языко(м) исповѣдати гда не може(м), далеко меншь сер(д)цемъ вѣровати можемъ, або добрие дѣла чинити, без стго дѣа пособленья.

ПЫТАНЬЕ.

Говори четвертую часть зложеніа вѣры?

О(Т)КАЗЪ.

Вѣрую и едину стую, соборную апльскую цркъвь, исповѣдую едино крщеніе въ оставленіе грѣхомъ. Чаю въс(к)ресеніа мртвымъ, и жизнь будущаго вѣка, аминъ. ||

*156

Вопросъ.

Что сіе есть црковь.

О(Т)ВѢТЪ.

Црковь есть собраніе, або дружина вѣрныхъ людей, ихъ бгъ призрилъ в животъ вѣчный.

ВОПРОСЪ.

На которо(м) мѣсте есть стая црковь?

О(Т)ВѢТЪ.

Црковъ Хр(с)това не есть пришта к первому мѣсту, ани можетъ бы(т) ограничена. по всей бо земли ра(з)-сыпалася, и тамо есть гдѣ ся мы не надѣемъ. Прото и самъ г(с)дь не рече ап(с)тломъ: идите во антвохїю или в римъ. поставите ми црковъ: але рече: идите в' весь миръ. проповѣдуйте еv(г)ліе. а на другомъ мѣсте тако повѣда(л): идѣже бо еста два или три. собрани во имя мое. ту есмь по||средѣ ихъ.

*156v

ВОПРОСЪ:

Видѣ ми ся по о(т)казу твоему иже црковъ хр(с)това есть не видимая. бо еси повѣдалъ, иже црковъ есть дружина вѣрующихъ. оныхъ же бгѣ ко спасенїю прозрелъ. мы паки людїе вѣры видѣти не можемъ а потомуже и кого бгѣ ко сїсенїю или в' животъ вѣчный прозрѣлъ вѣдати не можемъ.

О(Т)ВѢТЪ.

Црковъ муситъ быти видимая. бо если бы невидимая была, и яко бы ся оное слово хр(с)тово разумѣло гдѣ рече: аще согрѣшитъ к тебѣ братъ твой, иди обличи его между собою и тѣ(м) едине(м). аще тебе послушае(т) прїобрѣ(л) еси брата твоего. аще ли тебе не послушае(т), пойми с собою паки едина(го) или два. да при устѣ(х) двою или тре(х) || свидѣтелей станеть всякъ глѣ. аще же не послушае(т), повѣждь цркви. Понеже повѣдети пре(д) црковїю вели(т) муситъ быти видимая. Бо если бы невидимая была, како ее казати кто можетъ. И далѣе хр(с)тось та(м) же повѣдаетъ: аще цркви не послушаетъ. буди тебѣ яко язычни(к)д и мытарь. здѣ опять видишь иже црковъ обличаетъ послушати. или не послушати. Прото видимая есть црковъ х(с)ва. лечь пре(д)ся и тое вѣдати потреба, иже о(т)части есть невидимая бо

*157

ачколвѣ црѣвь е(ст) з людей исповѣдаюши(х) хр(с)та со-
 брана. але мнози межи ни(х) су(т) лицемѣри: которіи
 толко усты бѣа исповѣдаютъ. а ср(д)цемъ далече
 о(т)стоя(т). таковы(х) трудно к право не можна рѣчь
 *157v познати аще коли ся дѣлы || пло(т)скими сами показываютъ.
 бо на позо(р)ничимъ о(т) блговѣрны(х) не суть розныи
 без' тыхъ николи здѣ на земли црѣвь быти не можетъ.
 тѣм' бо и хр(с)то(с) науку свою или црѣвь приподобаль
 сѣти или неводу запуценому в море, и о(т) всякаго рода
 рыбь собра(в)шу. И в' црѣви бо будутъ и добрые и злые
 аже до скончанія свѣта, а тогда разлучатся. Яко рече
 г(с)дь: изыду(т) агглы в' скончаніе вѣка, и о(т)лучать
 злыя о(т) среды праведныхъ, и ввергу(т) я в' пещь ог-
 неную. а в другой притчи повѣдалъ: оставите и плевелы
 и пшеницу расти обое купно до жатвы. и во время жатвы
 реку жателемъ: соберите первѣе плевелы, и свяжите я
 в' снопы сожещи я. и толкующи сѣе повѣдаетъ: яко со-
 *158 бираю(т) плевелы || и огнемъ с'жигаютъ я, тако будетъ
 в' скончаніе вѣка сего. Послетъ снѣ члчскій агглы
 своя, и соберутъ вся соблазны о(т) цр(с)твія его. Прото
 можемъ ннѣ хр(с)товую црѣвь вѣдѣти але еще яко с'
 плевелы до жнива, пшеницу, и яко в неводѣ рыбы.

ВОПРОСЪ.

Почомъ познати мочи правдивую Хр(с)тову црѣвь.

О(Т)ВѢТЪ.

Нѣцыи знаменуются по давности и почину еп(с)кпъ,
 иншіи по мѣстехъ, але тые знаки многихъ омыляю(т).
 Напевнѣйшіе суть два знаки или сказанія. Первѣйшій
 есть слово бжїе, дугій тайны хр(с)товы. Гдѣ бо прав-
 дивѣ слово бжїе кажется ничего не о(т)метаючи. ани к
 нему прибавляючи. тамо есть црѣвь хр(с)това(.). Пото-
 *158v мужъ и тайны суть певные || знаки. бо гдѣ ихъ к тому

концы в'жидаютъ. к немужъ хр(с)тосъ уставиль, ничего не причинивши, ани убавивши: тамо справедливая цркви хр(с)това есть.

ВОПРОСЪ.

Але для чога не говори(ш), вѣрую во едину стую соборную и ап(с)тлскую цркви. но просто. вѣрую едину стую соборную и ап(с)тльскую цркви.

О(Т)ВѢТЪ.

Уже есмь о томъ выше повѣда(л) иже иная есть рѣчь вѣровати во что, а иная вѣровати кому але и то иная, вѣровати якую рѣчь. Прото добрѣ о бозѣ мовѣмъ. вѣрую в' бга: бо вѣровати в' бга, разумѣтся уповати на бга. але иже цркви е(ст) якоже речено. дружина людей вѣрныхъ. || того для негоже вѣровати в' церковь. *159
Бо негодится в' люди вѣровати. тое паки слово, вѣрую едину церковь такая разумѣть яко бы рекль, вѣрую иже есть едина церковь.

ВОПРОСЪ:

Чога для едину толко исповѣдуемъ цркви, а не есть едина, але по розни(х) мѣстехъ розные есть цркви. яко и за ап(с)тль иная цркви была рим'ская, иная коринѳ'ская галатійская.

О(Т)ВѢТЪ.

Ачколвѣ многіе суть церкви, але иже вси одинаго бга и сѣса единомысленно исповѣдуютъ. едину тѣже о немъ вѣру и надежу мають. Прото хотяжъ тѣломъ о(т) себе далеко о(т)стоять и о собѣ не вѣдаютъ. пре(д)ся со всѣхъ таковыхъ соборовъ едина есть || церковь. Ап(с)тль *159v
называетъ црквами Галатскими хр(с)тіанъ, которіи были по оной земли Галатской. Потомуже и иныхъ о(т) мѣсть црквами пишетъ. не иже бы много церквей было, але иже ся единою церковію о вѣрѣ учинили.

ВОПРОСЪ.

Понеже цр̄квь есть, яко еси повѣдалъ дружина или собраніе людей для чого жъ ее стою зовешъ. гды(ж) межъ всѣхъ людей, нѣсть ни одинаго без' грѣха. Яко солomonъ пишетъ: нѣсть чл̄ка прв(д)наго на земли, иже творить добро и не согрѣшае(т).

О(Т)ВѢТЪ.

Правда иже цр̄ковъ хр(с)това есть з людей. И тое правда иже вси людіе грѣшніи, и без' грѣха нѣсть ни *160 одинаго. То есть обычае(м) || житія вси грѣшніи, але опять из другія стороны, тїи же грѣшницы су(т) стїи, то есть из' стороны слова бжїя емуже вѣрують. яко самъ г(с)дь повѣдаетъ ко ученикомъ. уже вы чисти есте за- слово еже рѣхъ ва(м) за лова. или слова дѣля, не житія дѣля а ни дѣль чистыми ихъ рече(.) о(т) дѣль бо никто чистъ не былъ, ани есть. ани будетъ. Яко написано Кто похвалится чисто имѣти сердце, или кто дерзнетъ чистъ быти о(т) грѣхъ. Прото цр̄квь хр(с)това наречена есть стая: бо наученіе маеть стое, и всѣкія лжи не прїимаетъ. А не толко во изложенїи вѣры тоя имя ей приписуемъ. але и в' стомъ писанїи на многихъ мѣсте(х) дхъ стый потомужъ ю зоветь. Яко гдѣ ап(с)тль Ефѣсиомъ *160v пишетъ, || Хр(с)тосъ возюби цр̄ковъ, и себе предасть по ней, да оститъ ю, омы(в) банею водною в' словѣ. да пре(д)ставитъ ю себѣ славному цр̄квь, не имущи скверны или враски, или что таковыхъ. но да есть ста и непорочна. Здѣ о цр̄кви свѣдчитъ ап(с)тль, яко ста и непорочна. але и того не замолчалъ, о(т)куле сїю стї(т) маеть. Хр(с)тосъ повѣдаетъ: остил' ее, и омыль банею, то есть крещенїемъ стаго дха, и в' словѣ, или Глаголомъ.

Іоа(н). За(ч). п̄.

При(т)чи. к̄.

ВОПРОСЪ.

Чего для наречена есть соборная цр̄ко(в).

О(Т)ВѢТЪ.

Того для иже не на одномъ мѣстѣ, ани межи одного народа людми, але по всей земли ра(з)ширилася.

ВОПРОСЪ. ||

Опять для чого названа естъ Апльская?

161

О(Т)КАЗЪ.

Для того иже на проповѣданіи Апльско(м) е(ст) основана. Яко Апль пишеть, Несте странніи пришельци, но съгражане и домашніи бжїи, наздани бывше на основаніе Апль и пророкъ.

За(ч): скв.

ПЫТАНЬЕ.

Потребали того абы е(с)мо едину рерковъ [→ церковъ] исповѣдали?

О(Т)КАЗЪ.

И велика потреба. Бо если бы есмо тому не вѣровали иже естъ божіе на си(м) свѣте певное събранье, а што жъ бы за пожитокъ былъ муки или смерти и въскресеніа гдѣ нашего Іс̄ Х̄а? Для того бо той кровъ свою продѣлъ м, абы собѣ певныи людъ избралъ и очистилъ.

ПЫТАНЬЕ.||

Што пото(м) визнаваемъ в̄ символѣ?

161v

О(Т)КАЗЪ.

Едино крещеніе въ оставленіе грѣхомъ.

ПЫТАНЬЕ.

Чого для съ оставленіемъ грѣховъ посполе крещеніе положоно?

О(Т)КАЗЪ.

Для того, ижъ грѣхы не о(т)пускаются никому, есъли бы не былъ въ с̄тои церкѣви, то естъ въ едино(м) тѣле Хвѣомъ. То пакъ въ стую церковъ нелъза внити к, только черезъ с̄тое крщеніе.

ПЫТАНЬЕ.

Опустивши на ча(с) крещеніе о которо(м) у четвертой части мѣти будемъ, розмавлиа мы о оставленіи грѣхомъ. 162 Яко маемъ онѣмъ розумѣти, то естъ для чого, або || которимъ обычаемъ оставляетъ намъ боѣ грѣхи?

О(Т)КАЗЪ.

Розум человѣчьи тако судить, абы тому боѣ грѣхи о(т)пускалъ, кто за оныя чинить досыть милостиною, посто(м) и таковыми иными. Лечь с̄тое писмо иишую намъ дорогу указываетъ къ о(т)бытью грѣховъ. Бо вездѣ свѣ(д)чить, ижъ намъ бѣ грѣхи о(т)пускаетъ не для якого нагороженья, або досыть учиненья, але самъ для себѣ, даровне а зласки, коли ся грѣшныи каеть, недостатокъ свои визнаветъ, а обетница(м) боѣимъ вѣруеть.

ПЫТАНЬЕ.

Ино мл(с)тины давати не надобѣ, ани постовъ постити?

О(Т)КАЗЪ.

162v Не мовлю абы не надобѣ милостины, або || постовъ, чинити. Каждыи млтину давати и поститися повиненъ, але надѣжю на м(с)тину або на постъ мѣти, яко бы для того грѣхи боѣ о(т)пускалъ, таковая надѣжа омыляетъ, и естъ вельми незбожная. Бо тотъ урядъ е(ст) самого сына боѣего, для сего только единого боѣ грѣхи люде(м) о(т)пускаетъ. яко тои за оныя утерпѣлъ и умеръ(.) И для тое причины далъ ему аггль имя Іс̄, то естъ, на нашъ языкъ, спасъ или спаситѣль, тои бо, кажетъ, людъ свои Матѣ: За(ч): в̄.

спасеть о(т) грѣховъ и(х). Для того жь кр(с)тителъ назвалъ и агньцомъ или барано(м), которыи на себѣ взялъ грѣхи всего свѣта. Але не много говорячи, Петра апла послухаимо яко о $\overline{Хе}$ пре(д) Корнилѣемъ кажетъ, гдѣ тако рече, Тои $\overline{Хс}$ е(ст) нереченныи о(т) $\overline{бга}$ суди||ти живымъ и мртвымъ. О семъ вси пророци свѣ(д)телствуютъ, оставленіе грѣховъ пріяти именемъ его всякому вѣрующему вонъ. Прото не мається никто ани на свое, ани на чужое досыть чиненье за грѣхи спущати. Окромѣ единого сына божіею досыть учиненья.

ПЫТАНЬЕ.

Говори далеи вызнанье вѣри.

О(Т)КАЗЪ.

Чаю въскресенія мртвымъ, и жизнь будущаго вѣка, аминь.

ПЫТАНЬЕ.

Чого для тые слова вложено до символа?

О(Т)КАЗЪ.

Для того, абы есмо вѣдали ижъ блаженство або щастье наше не здѣ на симъ || свѣте исполнитися маеть. Сиа пакъ вѣдомость принашаетъ намъ два пожитки вѣликіе. Першій. Бо вѣдаючи яко намъ здѣ недостояніе або не о(т)чизна, а мы яко пришельци и гости, не уплетаемся печальми житейскими. Другыи пожитокъ, ижъ если на на(с) якая труд(д)ность или клопоты безвинне пріидуть, в ни во што и(х) почитаемъ, но стихостію терпѣмъ.

ПЫТАНЬЕ.

Вси ли встанутъ мертвіи, и злые и добрие?

О(Т)КАЗЪ.

Не вси бы хотѣли, але вси мусять встати, и добрие в радость, и злые в муку.

ПЫТАНЬЕ.

164 Для чого жь Давы(д) написал, Сего ради не въскреснутъ неч(с)тивїи на судъ, ни грѣшници въ совѣтъ праведныхъ? Ψало(м): а̄.

О(Т)КАЗЪ.

Не тое розумѣеть Давы(д), абы нечестивїи немѣли ожити на онъ страшныи судъ, але даеть знати, иже судити з добрими нѣ мають, Прото яко бы толкуючи придалъ, ни грѣшници в совѣтъ праведныхъ.

ПЫТАНЬЕ.

Ино розности нѣтъ межи добрими и злыми, понѣже обои въскреснуть?

О(Т)КАЗЪ.

Велика розность межи тыми окажется. Бл҃гочествїи бо въскреснутъ къ славѣ и вечному животу. О(т)пятъ неч(с)тивїи въ муки и погибель вѣчную.

ПЫТАНЬЕ.

164v Лечь здѣ въ Символѣ муки грѣшнымъ не пишеть, только вѣчную жизнь будущего вѣка?

О(Т)КАЗЪ.

Символонъ или зложеніе вѣри не для нечестивыхъ, але для побожныхъ пописано, абы потешеніе мѣли, прото муки никаковой не приписано. Лечь писмо стѣе на многихъ мѣстехъ воспоминаеть муки великие грѣшнымъ в вѣку пришло(м). Яко и самъ Хс поведѣл, ижъ неч(с)тивїи пойдутъ в муку вѣчную. А на иномъ мѣсте рече, Лучше съ единомъ Матѣ: р̄б.
Марко: м̄б.

